

Meje Po Carte Po Carta Nacom Pia Jiton Tatsi Tatina, Hebreomonae Tatinatsi

*Meje yabara xua Nacom Pexanto itoroba ji-
witha petacueicueijeinexatsi*

¹ Caena bayatha Nacom itoroba pia peitorobi jume diwesi petacueicueijeiji jiwichi. Barapomonae Nacom tacueicueijeichi xua poxonae tsipaebatsi wamo susato jiwi. Barapomonae matowa tacueicueijeiji tsaibi xua Nacom tacueicueijeiji tsaibichi matautano ainya coyeneintha tsipaeba xua Nacom tatsipaebatsi.

² Ichitha nama anoxuae matapainya barapo maticabinthe po maticabin opi dubena Nacom itorobica Pexanto wanacata cueicueijeinexa, yawa wayabara yaputaenexa Nacom. Barapon Nacom Pexantoxae tatsi caena bayatha barapo nacue forota. Matautano Nacom Pexanto caena barapoxonae cana exana xua Pexanto tatsi pecanamataxeinaenexa daxita coyeneintha.

³ Nacom Pexanto tatsi pexeinya peitupanae juntu coyenein xeina po juntu coyenein Nacom xeina. Bapon Nacom Pexanto cui coyene jontatsi. Matautano bapon Nacom Pexanto tatsi pia pejume ayapusu itorobiwatha babatiya exana daxita carepaya nacuan. Nacom Pexanto tatsi nacui yabara jume weta xua Nacom Pexanto peyabara paebixae pejume diwesitha. Baxua exana poxonae naca tsitupa

xua wanaca juntu coyene xanepana exanaenexa. Bapon naca capanepa abe waexanae cuiru coyenein weya. Bapoxonae bapon itaboco beicha pona penacuaretsinexa pexeinya peecaethopeibiwatha Nacom pia coxa weya tatsi xua itaboco beicha xua Nacom pia peecaethopeibiwatha tatsi beicha.

Meje yabara xua Nacom Pexanto tatsi peainya cui beyacaincha matatsunpiwi

⁴ Nacom Pexanto ainya cui cana exana beyacaincha matatsunpiwi. Nacom baxua tsita itapeinya xeina xua poxonae wun duta Pexanto xua po wun jei: “Nacom Pexanto”, jei, po wun bichocono ainya cui beyacaincha matatsunpiwi pewun.

⁵ Tsipei Nacom bapana jopa jeiyo matatsunpintha:

“Xam Taxantom, anoxuae jiwi tsita itapeinya xeinan xua xan jinya axan”,

jopa bapana jei Nacom matatsunpintha.

Matautano bapana jopa jei matatsunpin yabara:

“Xan bapon pia paxa tatsin tsane,

bapon bara taxanto tsane”, jopa

bapana jei Nacom xua matatsunpin

peyabara paebiwatsi.

Saya ba meisa Nacom Pexantotha

yabara paeba barapo jume.

⁶ Matautano poxonae Pexanto itorobica po cae pin nacuamonaepiwitha tsique, pon yatsicaya compa tatsi, Pexanto yabara jei:

“Barabu daxita tamatatsunpiwimonae

Taxanto wuna jaintinchi”, jei Nacom.

⁷ Nacom yabara jei matatsunpiwi:
 “Tamatatsunpiwi itoroban xua nainya inta
 nacuita icha joibo ichi xua nainya pona
 poxonae itoroban barapo joibo.
 Barichi barapomonaе itoroban xua inta
 daunweya nacuita icha nawa coicha ichi xua
 daunweya taxua poxonae itoroban barapo
 nawa”,
 jei Nacom.

⁸ Ichitha nama Nacom Pexantotha jei:
 “Jaina, xam ponxaem Nacom, ataya tsitecaeya
 itorobiya ewatsiname xua
 itorobathopequeibame jiwi.
 Jinya neitorobiya ewatsi coyenewa
 bara ataya pexainyei coyenewa.
⁹ Xam ichichipame pocotsiwa exana
 pomonaе xanepanaya peexanaewi.
 Matautano bichocono aitafaetabim
 pocotsiwa exana pomonaе abe peexaneibiwi.
 Daxota xan Nacom ponxaein, jinya Nacom
 bichocono cajantа coyene weiweina
 exanatsi, beyacaincha xua jinya jiwimonaе
 jantа coyene weiweina exanan”,
 jei Nacom Pexantotha.

¹⁰ Equeicha Nacom Pexantotha jei:
 “Xam pon pepa Necanamataxeinaem jiwi,
 caena bayatha forotame barapo cae
 pin nacua poxonaе aena.
 Jinya coya exaname peitaboco.

¹¹ Daxita baxuan pocotsiwan xua jinya
 neexanaewam weraweracaena.
 Tsipei daxita baxuan saya peruwan tsane,
 icha be poxonaе paparuwa ichi xua

peruwa tsane xua tsapatsapaca.

Ichitha xam nama ataya
tsitecaeya poponaename.

¹² Barapo cae pin nacua iru barapo itaboco
poxoru peruwa tsane pichiname xua
nexubinexa, xua pena ira equeicha
neexanaenexa yawa xua itaboco.

Barapocotsi juta coyeneya exanaename
icha be poxonae pebin ichi xua peruwa
nama xuena xua xuba, xua
penawa penamaxatatsinexa.

Ichitha xam nama ataya tsitecaeya poponame.
Matautano jinya nepoponae coyenewa
ataya jopa weraweracae tsane”,
jei Nacom Pexantotha.

¹³ Nacom bapana jopa jeiyo matatsunpintha:
“Xam tacoxa weya ecare, beya poxonae abu
caexanaeinchi xua itorobiname jinya
necaaitafaetabi jiwi”, bapana jopa jeiyo
Nacom matatsunpintha.

Saya meisa Pexantotha baxua paeba.

¹⁴ Daxita matatsunpiwi peinya pejinompaewi
jiwitha. Barapo matatsunpiwi exana dube-
nanaebiya pocotsiwa Nacom itoroba. Nacom
itoroba barapomonaе xua petayawenaenexa
tsainchi pomonaetha pomonaе bexa Nacom
capanenebiyaena pomonaе pejume cowantsi
jiwixaetsi.

2

*Meje yabara xua poxonaе naca muxuweta xua
jopa bewa pepawi cana exanaetsi Nacom pia peca-
panenebiyaе coyenewa tatsi*

¹ Nacom Pexanto ainya cui cana exana beyacaincha matatsunpiwi. Daxota bewa matowa itapeta jume naitaewatichi pocotsiwa bapon yabara xua jume tainchi. Bapoxonae jopa wayabara jantemainaponae tsainchi po coyene xua Nacom pia pecapanenebiyae coyenewa tatsi.

² Po peitorobi coyenein caena bayatha matatsunpiwi Nacom tacueicueijeichi, barapo coyenein bara xainyei. Pomonae jopa jume cowantsiyo barapo peitorobi coyenein xuano xua abe exanaponano, barapomonae atene exanaeinchi xua canacui matajupiya cana exanatsi.

³ Cristo naca cana exana xua panenebiyatsi abe waexanae cuiru coyenein weya. Cristo pia pecapanenebiyae coyenewa bichocono ainya cui coyenewa. Icha Cristo pia pecapanenebiyae coyenewa cayabara nanta xeinatsi xua pepawi xua jopa ainya cuiyiyo, waxainchi bapana jopa naca capanenebiyae tsane xua poxonae jiwi atene exanaeinchi abe peexanaexae. Barapon Cristo pon jiwi Pecanamataxeinaein barapo pecapanenebiyae coyenewa yabara tsipaeba copiya. Bapoxonae xuya barapo pecapanenebiyae coyenewa naca tsipaeba pomonae jume tane pocotsiwa xua bapon paeba pon jiwi Pecanamataxeinaein.

⁴ Nacom tsita itapeinya xeina xua barapomonae bara xaniwaicha yabara paeba Nacom pia pecapanenebiyae coyenewa. Baxua exana poxonae Nacom cana exana xua barapomonae pexeinya petsita itubi coyenewan muxuna exana poxonae cueicueijeji. Matautano baxua exana poxonae cana exana xua barapomonae muxuna exana

pocotsiwa bichocono wɨnae xua jiwi nabenaeca cana exanatsi. Matautano baxua exana poxonae cana exana xua barapomonaе pexeinya peayapusɨ itorobi coyenewan muxuna cueicueijeі. Matautano Nacom tsita itapeinya xeina xua bara barapomonaе xaniwaicha cueicueijeі poxonae Nacom pia Pejumope tɨnaxɨ tatsi itoroba barapomonaе pia jɨntɨ coyeneintha tatsi xua pecatsibinexa po cui coyeneya peexanaenexa daxita barompaya tsiniya. Baxua exana barapo Nacom pia Pejumope tɨnaxɨ tatsi icha be pocotsi coyenewa Nacom ichichipa xua barapomonaе barapo cui coyeneya exanaena.

Meje yabara xua Jesucristo be jiton coyeneya naexana

⁵ Nacom jopa copatsi tsane xua matatsunpiwi canamataxeinaena barapo pena nacuatha po nacia yabara xuaunxuae pacata tinatsi.

⁶ Jame nama Nacom Pejume Diwesitha ichɨn yabara jeye xua pomonaе barapo pena nacia pecanamataxeinaewa tsane, jeye:

“Nacom xam jiwi toxeincha bichocono pin jɨntɨ coyene xeiname.

¿Eta xua metha yabara nanta xeiname

jiwi xua ainya cui exaname xua

pecanamataxeinaenexa tsane ichamonae?

⁷ Nacom copiya saya caetotha exaname xua jiwi be conotha ainya cui.

Baxua exaname poxonae matatsunpiwi toxeinchiya

ainya cui exaname beyacaincha jiwi.

Ichitha cotacaya exaname xua jiwi

ainya cui naexana.

Jiwi cana exaname xua pexeinya
 peitɔpanae coicha xeina
 yawa catame barapomonaē peayapusɔ
 itorobi coyenewa xua icha jiwi
 pecanamataxeinaewa tsainchi.

⁸ Po jiwi cajume cowanta barapo
 jiwitha catame peayapusɔ itorobi
 coyenewa daxita xua pecanamataxeinaenexa
 xuantha xua forotame”,
 jei xua ichan tsipaeba Nacomtha.

Poxonae Nacom cana exana jiwi xua canamatax-
 einaena daxita xua xuan forota, dapocotsi coye-
 newa aibi xua jiwi jopa itacɔpaetsi xua pecana-
 mataxeinaewa. Daichitha awiya cataunxuae jopa
 jiwi cui taetsi xua daxita pecanamataxeinaewa.

⁹ Ichitha waxainchi Jesús yaputainchi pontha pon
 Nacom saya caetotha cana exana xua jopa ainya
 cuiyo. Matatsunpiwi conotha ainya cui beyacain-
 cha xua Jesús xua poxonae caetotha cana exanatsi
 xua jopa ainya cuiyo xua poxonae popona be
 jiton. Nacom bichocono peantobexae daxita jiwi
 daxota bapon copata xua Cristo tsitɔpaena daxita
 jiwi abe pia peexanaexae. Anoxuae equeicha
 Nacom ainya cui cana exana xua Jesús ainya cui
 cana exanatsi. Mataɔtano Nacom cana exana xua
 Jesús jopa juniya ainya cuiyiyo xua jiwi itorobiya
 peewatsiwatsi. Mataɔtano Nacom Jesús catatsi
 pexeinya peitɔpanae coicha. Nacom baxua exana
 xua Jesús pia petsitɔpaexae jiwi.

¹⁰ Nacom forota daxita coyenein. Mataɔtano
 daxita baxuan Nacom nata exana. Mataɔtano
 Nacom ichichipa xua daxita piamonae tatsi pex-
 einaewa tsane pia pexeinya peitɔpanae coicha

tatsi peponaenexa tsane pia nacuatheicha tatsi. Daxota Nacom tsita xanepanatsi xua poxonae Jesucristo atene exanatsi beta yatsicaewa pejuntũ coyene wũnaetsinexatsi xua jiwi pecanamataxeinaenexatsi Nacom pia nacuatheicha. Baxua Nacom exana poxonae Jesucristo atene exanatsi poxonae tsitũpa xua jiwi pecapanenebiyaenexatsi abe pia peexanae cuiru coyenein weya tatsi.

¹¹ Tsipei daxita pomonae jũntũ coyene xanepana exanatsi Nacomtha, irũrũ Jesús pon cana exana baxua barapomonaetha, daxita barapomonaenanta caein Paxa pon Nacom. Daxota Nacom Pexanto tatsi jopa auriyo poxonaenaca yabara jei: “Tayapin jiwi pam”, poxonaenaca jei.

¹² Nacom Pexanto tatsi pon Jesucristo, caena bayatha Nacom Pejume Diwesitha xua salmos penaxũnae weixi diwesintha jeye Nacomtha: “Cayabara paebinchi tayapinmonae jiwitha. Cata naxũnaeinchi pewei xua wũnae tacajainchinexa poxonaenananabarũ nanacaetutsin jinya botha pomonae cajume cowanta”, jei Jesucristo Nacomtha.

¹³ Ichacuitha caena bayatha Jesucristo jeye xua Isaías pia diborotha:

“Xan jume cowũntsiya wũnae ewatsin Nacom xua tana neyawenaewa”, jei.

Equeicha Jesucristo jeye:

“Xote ecan, barũ ecan tapexui pomonae tana nejume cowũntsiwi pomonae Nacom necata”, jei Jesucristo.

¹⁴ Pexui ba bara xeina pejana yawa pewito icha be coxiyeiwi ichi tsipei jiwixae. Barichi Jesús xeina jiton pia pepon tatsi pexeinaexae jiwi pia

pewito tatsi xuano xua jiwi pia pejana tatsi. Jesús baxua xeina xua petsitupaenexa jiwi. Daxota itacupatsi xua peamanayabiwa pontha pon xua peayapusu itorobi coyenewa xeina xua jiwi pe-jutebiwatsi. Bapon apara pon caurimonae pia pentacaponaein tatsi.

¹⁵ Jesús baxua nacata exana wanaca capanenebiyaenexa wajunuwi coyene weya xua poxonae yabara junuwatsi xua wawerapaewa tsane. Jiwi daxita matabin junuwiya jinompeiba xua pewerapaewayainwa.

¹⁶ Bara xaniyei Jesús jopa tsipatopeicaeyo xua peyawenaenexa tsane matatsunpiwi. Apra jame Jesús tsipatopeica peyawenaenexa tsane Abraham pia pemomoxi susato jiwi tatsi xua yatsicaewa jiwi.

¹⁷ Daxota Jesús poxonae naexana bewa yawa naexanaena daxita coyeneya icha jiwi pia pepon tatsi ichi. Bapon bewa baxua yawa naexanaena pia penaexanaenexa pepa wasacerdotepin pocotsin nacata paebeiba Nacom beicha. Matautano bapon Jesús pon pepa wasacerdotepin xainyeya taexana po coyene xua ba sacerdotemonae pia petaexanae coyenewa xua Nacom tsita exanatsi. Bapon Jesús naca weyatane xua wanaca yawenaenexa, xua jiwi petsitupaenexatsi xua Nacom jiwi pejuntu coyene yabara jantemainaenexa tsaibi tsainchi abe pia peexanae cuiru coyenein tatsi.

¹⁸ Jesús atene exanatsi poxonae caurimonae pia pentacaponaein tatsi juntu coyene jujutatsi petaenexa tsainchi icha abe exana. Daxota anoxuae bapon Jesús itacupatsi xua peyawenaewa

pomonaetha pomonae iruru juntu coyene jujutatsi caurimonae xua abe peexanaewa tsane.

3

Mejeyabara xua Jesús peainya cuin beyacaincha Moisés

¹ Nacom iru paca wun duba poxonae itapeta pomonae pepatsinexa tsane pia nacuatheicha tatsi. Tamonae pam, paxam jiwana pam pomonae pejume cowantsiwi Jesucristo, pomonae pam Nacom paca juntu coyene xanepana exana xua piamonae tatsi painya paca cana exanaenexa. Daxota Cristo Jesús pacayabara nanta xeinare. Bapon Jesús Nacom pia peitorobin tatsi pon naca tsi-paeba Nacom nexa. Matautano bapon wapepa sacerdotepin pon wanacata paebeibin Nacom be-icha. Bapon payabara cueicueijan ichamonaetha wajume cowantsixae bapon.

² Jesús bara xainyeya exana Nacom pia petanacuichiwa tatsi Nacom peyabara tsiwunae muxu dutsixae bapon barapo penacuichiwanexa xua Nacom pia peitorobin tatsi tsane yawa wapepa sacerdotepin tsane. Jesús beta xainyeya taexana, icha matha Moisés ichi xua poxonae daxita coyene beta xainyeya taexana Nacom piamonaetha xua Nacom nexa.

³ Jesús pecapanepaexae jiwi bewa bichocono toxecha baru cui itara jinaetsi bapon beyacaincha xua baru cui itara jinatsi Moisés. Barapocotsi juta coyeneya ichi, bewa Jesús cana exanaetsi icha be poxonae jiton ichi xua bewa baru cui itura jinaeinchi xua ainya cui exanatsi peacabixae bo beyacaincha xua bo xua ainya cui tsuncuae.

⁴ Daxita ba bon tsoponae poxorū apara jiton peexanaexae. Ichitha jame pon yatsicaewa nama daxita coyenewan exana apara bapon Nacom.

⁵ Bayatha Moisés apara pon petanacuichinchi Nacom. Bapon xainyeya daxita exana Nacom pia botha pocotsiwa Nacom itoroba. Bapon Moisés pia penacuichiwa tatsi saya xua yabara tsiw̄nae caunuta pocotsiwan xua bexa Nacom exanaena.

⁶ Ichitha nama Cristo Nacom Pexantoxae tatsi xainyeya daxita exana Nacom nexa tsipei cana exana xua bapon canamataxeina daxita pomonae Nacom piāmonae tatsi. Waxainchi Nacom piāmōnaetsi icha aj̄nt̄uyap̄us̄ya jume cow̄ant̄apoinchi Cristo beya xua poxonae t̄p̄aeinchi. Matānt̄ano waxainchi Nacom piāmōnaetsi icha j̄nt̄u coyene weiweinaya w̄nae ewatatsi pocotsiwa bexa Nacom wanaca tsiexanaewa tsane.

Meje yabara xua naf̄fina caewata Nacom piāmōnae tatsi

⁷ Cristo ainya cui peexanaexaetsi beyacaincha xua Moisés ainya cui exanatsi daxota Nacom pia Pejumope t̄nax̄u tatsi naca itoroba xua bewa jume taetsi Cristo. Baxua paeba Nacom pia Pejumope t̄nax̄u tatsi. Nacom Pejume Diwesitha, jeye:

“Anoxuae pana nejume taema pocotsiwa paca tsipaebatsi ponxaein Nacomxaein.

⁸ Painya xoba pana nejumefebame painya j̄nt̄u coyenewatha xua daxota jopa painya tana nejume cow̄antsiwam. Jopa bara paichinde icha pomonae ichi xua poxonae bayatha nejume matawenta

xua exanan poxonaē jinompa ichaxota
ira xuepana susato tsurucuae nacuatha.
Barapomonaē nefayacoteiba poxonaē
nejunt_u coyene jujuteiba beya
poxonaē anaepanan barapomonaetha
poxonaē jopa xapain exaneibiyo.

⁹ Barapomonaē pomonaē nejunt_u coyene
jujuta, apara painya amo susato jiwī.
Barapomonaē baxua inta exana poxonaē
jopa nejume cowantsiyo.

Baxua exaneiba beya poxonaē cuarenta po
weibe tsuxubi bequein taiba pocotsiwa
xua taexaneiban barapomonaē xua beya
cuarenta po weibetha.

¹⁰ Daxota barapomonaē caseban yawa yabara
jan barapomonaē: ‘Barapomonaē jopa benejume
cowantsiyo pejunt_u coyeneintha yawa
jopa beyaputaeyo pocotsiwa ichichipan
taexanan barapomonaē’, jan.

¹¹ Barapomonaē caseban.

Tacoutha jume daunweya najan:
‘Barapomonaē bapana jopa patsi tsane
tanacuatha ichaxota po nacuatheicha
nafinacaewatsina pomonaē tana nejume
cowantsiwi’, najan”, jei Nacom
pia Pejumope t_unax_u tatsi,
Nacom Pejume Diwesitha.

¹² Tamonaē pam, pomonaē ir_u painya nejume
cowantsi jiwixae Jesucristo. Painya xoba pax-
einame po junt_u coyene bichocono abe, po junt_u
coyene jopa ichipaeyo xua pejume cowantsiwa
Nacom, pon xua as_u popona.

¹³ Jame maisa daxita matakabin nantiya pana najant_u coyene tsacabare xua ajant_uayarus_uya painya nejinompaewa tsane. Daxita pam baxua paexande anoxuae poxonae cataunxuae po dapaetha anoxuae petain paca itac_upa xua paexaname baxua. Matautano baxua paexande xua jopa pata tana nejumefebiwam painya jant_u coyenewatha. Icha pana nejumefebame painya coutha pana namuxujainyabichipame xua daxota abe painya neexanaewa tsane.

¹⁴ Bewa xanepanaya ayarus_uya jume cow_unta dubenanaebiyaeinchi Nacom xua beya poxonae t_upaeinchi. Icha baxua betiya ayarus_uya jume cow_unta dubenanaebiyaeinchi icha ichichi poxonae aena jume cow_untatsi, bapoxonae nayawa muxuna xeinaeinchi Nacom pia nacuatheicha pocotsiwa Cristo xeina.

¹⁵ Daxota equeicha paca tsipaebatsi xuaunxuae po diwesi paca tsipaebatsi xua Nacom Pia Pejumo_upe t_unax_u tatsi cueicueije, jeye:

“Anoxuae pana nejume taema pocotsiwa paca tsipaebatsi, ponxaein Nacomxaein.

Icha pana nejume taneme bapoxonae painya xoba

pana nejumefebame painya jant_u coyenewatha xua daxota jopa pata tana nejume cow_untsiwam tsane.

Jopa bara paichinde icha pomonae ichi xua poxonae nejume matawenta poxonae jinompa ichaxota ira xuepana susato tsurucuae nacuatha”, jei Nacom pia Pejumo_upe t_unax_u tatsi.

¹⁶ Payabara nanta xeinare pomonae jume tane xua Nacom pejume tatsi xua bapoxonae Nacom

jume matawentatsi. Daxita bapomonae apara pomonae Moisés mata cawarapa Egipto nacua weya.

¹⁷ Payabara nanta xeinare Nacom xua caseba xua beya cuarenta po weibetha tsuxubi. Bapomonae apara israelmonae pomonae xua abe exana poxonae jinompa ichaxota ira xuepana susato tsurucuae nacua beya, xuano xua baxota werapano.

¹⁸ Payabara nanta xeinare pomonae Nacom daunweya yabara paeba, xua jei: “Barapomonae bapana jopa patsi tsane tanacuatha ichaxota po nacuatheicha nafifinacaewatsina pomonae tana nejume cowantsiwi”, jei. Bapomonae apara israelmonae pomonae xua jopa exanaeyo pocotsiwa Nacom itoroba.

¹⁹ Bara yaputainchi xua barapomonae jopa itacupaetsi xua pepatsiwa Nacom pia nacuatheicha tsipei jopa Nacom jume cowantsichi.

4

¹ Waxainchi yabara jume cowanta dubenanaebiyatsi xua Nacom naca tsiwanae muxu duta. Nacom naca tsiwanae muxu duta xua bara wanaca itacupaewa tsane xua wapatsiwa pia nacuatheicha po nacua xua Nacom pia penafinacae-watsi nacua. Daxota poxonae cataunxuae naca itacupa xua wapatsiwa tsane barapo nacuathe bewa yabara najuntɩ coyene exabichi xua paxam jiwana jopa itacupaetsipaetsi xua pepatopaewa Nacom pia nacuathe.

² Waxainchi barichichi jume tainchi barapo Nacom pia pecapanenebiyae diwesi, icha bayatha barapomonae ichi xua jume tane barapo

diwesi. Ichitha barapo diwesi jopa yawenaetsi barapomonaē xua pejume cowantsinexa Nacom, tsipei jopa jume cowantsiyo barapo diwesi.

³ Waxainchi nama barapomonaetsi xua wajume cowantsiwi barapo pecapanenebiyae diwesi. Daxota naca itacupa xua wapatsiwa Nacom pia nacuatheicha ichaxota bapon naca baru nafi-finacaewatsina baxoteicha. Nacom wamo susato jiwi yabara paebatsi xuaunxuae paca tsipaebatsi. Jeye:

“Barapomonaē caseban.

Tacoutha jume daunweya najan:

‘Barapomonaē bapana jopa patsi tsane tanacuatha ichaxota po nacuatheicha nafi-finacaewatsina pomonaē tana nejume cowantsiwi’, najan”,

jei Nacom Pia Pejumope tana xata tati.

Bequein baxua Nacom paeba ichitha caena bayatha weta barapo nacia ichaxota jiwi nafi-finacaewatsina poxonaē nacobe weta xua daxita forota barapo cae pin nacuathe.

⁴ Po matacabi pewan “siete matacabi”, jei, barapo matacabi Nacom Pejume Diwesitha yabara paeba. Bapon jeye:

“Nacom nacuita seis po matacabibe.

Bapoxonaē nafi-finacaeca po mataqueitha pewan ‘siete matacabi’, jei”,

jei Nacom Pejume Diwesitha.

⁵ Equeicha Nacom Pejume Diwesitha jeye:

“Barapomonaē bapana jopa patsi tsane tanacuatha

ichaxota po nacuatheicha nafi-finacaewatsina pomonaē tana nejume cowantsiwi”, jei Nacom.

6 Ichitha cataunxuae acoibi ichamonae pomonae xua bexa tsane Nacom copatsina xua nafinacaewatsina ichaxota bapon nafinacaewata. Barapomonae jume cowantsina xua Nacom paeba. Pomonae copiya bequein jume taetha Nacom pia pecapanenebiyae jume barapomonae Nacom caena bayatha jopa copatsiyo xua barapomonae nafinacaewata tsipei jopa jume cowantsiyo pocotsiwa Nacom paeba.

7 Daxota Nacom nanta xeina xua equeicha pena matabi exana. Barapo matabi xua wun duta “anoxuae” jei xua pena coyene. Barapo matabi xua piamonae tatsi petaitacupaewatsi tsainchi xua nafinacaewatsina. Baxua Nacom exana caena bayatha poxona David popona xua ainya wei pirapae poxona jinompa pomonae jopa copatsichi xua nafinacaewata. Anoxuae Nacom bapocotsiwa naca tsipaeba pocotsiwa bayatha tsipaeba piamonae jiwitha, poxona David popona, pon jeye:

“Icha anoxuae pajume naitaewatame pocotsiwa Nacom paca tsipaeba jopa pajumefebinde painya juntu coyenewatha xua daxota jopa Nacom painya nejume cowantsiwam”, jei David caena bayatha Nacom nexa.

8 Josué caena bayatha wamo susato jiwi matabi Canaán nacia berena pomonae Israel piamonaexae tatsi. Apra jopa matabi nacia po nacia Nacom yabara paeba xua barapomonae nafinacaewatsina. Icha Josué bayatha matabi

barapomonaē barapo nacuatha bapoxonaē Nacom jopa nantawenonaetsipae xua exanaena icha matabi po matabitha poxonaē barapomonaē itacupatsi xua pepatsiwa tsane barapo nacuatha, po nacua ichaxota Nacom yabara paeba.

⁹ Daxota cataunxuae awiya barapo matabi tsonae po matabitha poxonaē Nacom piamonaē tatsi nafinacaewatsina Nacom pia nacuatheicha.

¹⁰ Tsipei pon weta pia penacuichiwa pocotsiwa Nacom itoroba bara itacupatsi xua nafinacaewata ichaxota Nacom nafinacaewata. Bapon baxua exanaena icha Nacom ichi poxonaē nafinacaeca, poxonaē nacobe weta pia penacuichiwa xua poxonaē forota daxitan.

¹¹ Daxota bewa ajuntusuya jume cowanta dube-nanaebiyaeinchi xua wanafinacaewatsinexa tsane ichaxota Nacom nafinacaewata. Baxua exanaeinchi xua ichamonae waxainchi jiwantsi jopa peyaseicaewa tsane xua nafinacaewata. Waxainchi jopa ichipaetsi xua icha ichamonae ichi xua jopa nafinacaewatsiyo jopa pejume cowantsixae pocotsiwa Nacom paeba.

¹² Nacom Pejume Diwesi peajuntuyapusu diwesi xuano peayapusu itorobi coyene xeina. Barapo Nacom Pejume Diwesi barapocotsi jata coyeneya ichi xua icha ba cusi ichi xua po wato nantiya baru ducuabe. Barapo cusi tajū uncuiya pebaruwa xua pepontha. Barapoxonaē barapo cusi itapeinya xeina daxita pocotsiwan xeina wan iya xua matha iya dubeinya bupaniya. Ichitha Nacom Pejume Diwesi ayapusu beyacaincha cusi tsipei barapo Nacom Pejume Diwesi itacupatsi

tajũ bereca pona wajũntũ coyenewatha ichaxota nanta xeinatsi. Barapo diwesi naca yaputane exana po coyenein xua wajũntũ coyenewatha xeinatsi. Naca yaputane exanano po coyenein yabara nanta xeinatsi wajũntũ coyeneintha.

¹³ Dapocotsiwan aibi barapo cae pin nacuathe xua Nacom forota pocotsiwan xua xuan nantiy-atarubena Nacom peitabaratha pocotsiwan xua bapon jopa taeyo. Daxitan naitatarubena xuano xua Nacom itacũpatsi xua beta petaewa daxita coyenein. Nacomtha bexa yabara tsipaebinchi xua pocotsiwan bayatha exainchi.

Meje yabara xua Jesús pepa sacerdotepin

¹⁴ Jesús apara Nacom Pexanto tatsi. Bapon wasacerdotepin, pon pepa sacerdotepin, pon bichocono yatsicaya peainya cuin. Bapon bayatha patopa Nacom peitabaratheicha tatsi. Daxota bewa ajũntũyapusũya jume cowũnta dubenanae-biyaetsi bapon, pon yabara cueicueijeichi icha-monaetha.

¹⁵ Barapo wasacerdotepin pon pepa sacerdotepin, naca weyatane xua wanaca yawenaenexa poxonae jũntũ coyene faefaenounuibatsi abe waexanaexae. Bapon baxua nacata exana, tsipei bapon barichichi jũntũ coyene jũjutatsi xua abe peexanaenexa. Caurimonae pia pentacaponaein tatsi jũntũ coyene jũjuta icha naca ichi. Daichitha nama bapon Jesús bapana jopa abe exanae.

¹⁶ Daxota bewa ajũntũyapusũya wũcaetsi Nacom pon bichocono naca antobe. Jopa bewa junuwi tsainchi xua wacueicueijeiwa Nacomtha.

Baroxonae Nacom naca weyataena wanaca yabara j̄ntemainaenexa xua abe waexanae cuiru coyenein. Matautano bapon wanaca antobexae naca yawenaena poxonae po matabitha canantawenoneibatsi, poxonae naca j̄ntu coyene j̄j̄uta.

5

¹ Jiwi ba barompaya pia xantha tatsi jiwana taitapetatsi pomonae xua daxita cana exanatsi pepa sacerdotepiwi. Barapo sacerdotepiwi itorobatsi xua barapo sacerdotepiwi caunuta jiwi yabara poxonae cueicueije Nacom peitabaratha xua jiwi nexa. Matautano barapo sacerdotepiwi yabara tsiwun dubatsi po coyene jiwi petaexaneibiwa tsainchi Nacomtha pocotsiwan xua jiwi amanaya pecatsiwa Nacomtha abe peexanaexae. Matautano barapo sacerdotepiwi yabara tsiwun dubatsi po coyene xua jiwi petaexaneibiwa tsaibi tsainchi xua poxonae duwei pejutebiwa pocotsi duwein xua jiwi amanaya pecatsiwa Nacomtha abe peexanaexae.

² Barapo sacerdotepiwi ichacuiitha j̄ntu coyene faefaenouneiba, poxonae j̄ntu coyene j̄j̄uteibatsi caurimonae pia pentacaponaein tatsi xua abe peexanaenexa. Tsipei barapomonae nacui yaputane xua poxonae j̄ntu coyene j̄j̄uteibatsi, daxota bara itacupatsi xua peyawenaewa ichamonaetha. Itacupatsi xua peyawenaewa pomonaetha pomonae abe peexanaewi xua bequein jopa yaputaeyo xua abe exana, iruru pomonae yatsicaewa nacui yaputane xua abe exana.

³ Barapo sacerdotepiwi iruru abe exaneiba xua pejuntu coyene faefaenaexae poxonaе juntu coyene junteibatsi caurimonaе pia pentacaponaein tatsi. Daxota bewa iruru pia coutha nata exanae po coyene xua duwei penata tautsinexa Nacom nexa icha poxonaе jiwi tacana ichichi poxonaе abe peexanaexae.

⁴ Dapon ajibi xua pia coutha naexana pon pepa sacerdotepin. Jame ba Nacom bapocotsin yabara tsiwun duta xua penaexanaenexa pepa sacerdotepin. Matautano bapontha Nacom cata barapo peainya cui yabara matawun dutsiwa icha bayatha Nacom cana ichi pon pewun Aaron pon copiya pepa sacerdotepin naexana.

⁵ Cristo bara cana ichichi. Bapon Cristo pia coutha jopa naexanaeyo pon pepa sacerdotepin xua peainya cuin penaexanaenexa. Aparajame Nacom cata barapo peainya cui yabara matawun dutsiwa xua pepa sacerdotepin penaexanaenexa. Bayatha Nacom yabara paeba Pexanto pejume diwesitha, barapo peainya cui yabara matawun dutsiwa xua penaexanaenexa pepa sacerdotepin, xua jeye:

“Xam apara taxantom.

Anoxuae xan jinya axaxaein.

Yabara catsiwun dutatsi barapo jinya nenacuichiwanexa”, jei Nacom.

⁶ Equeicha Nacom Pejume Diwesitha xua Pexanto yabara paeba, jeye:

“Xam pon sacerdotepim, xua bara ataya tsitecaeya tsane, icha Melquisedec matha ichi pon caena bayatha popona.

Bapon pepa sacerdotepin naexana xua

ataya tsitecaeya pepoponaein”,
jei Nacom.

⁷ Poxonae cataunxuae Cristo popona po cae pin nacuathe bichocono jume daunweya tsipaebeiba Nacomtha xuano jume daunweya w_hqueibano beya poxonae bichocono wecoyei. Cristo w_hqueiba Nacomtha, pon bequein itac_hpati xua Cristo peyawenaewatsi xua jopa pet_hpaewa. Mexeya poxoru bapon itapetsiya peexanaexae pocotsiwa Nacom ichichipa daxota bara Nacom jume tane pocotsiwa Cristo w_hca.

⁸ Bequein Cristo Nacom Pexanto tatsi, ichitha nacuiduba xua Paxa jume jejei xua exana pocotsiwa Paxa itorobatsi xua poxonae atene exanatsi xua ichamonae exana.

⁹ Bapon pia coutha daxita naj_hnt_h cui yabara w_hnaeta poxonae atene xua penaexanaenexa pepa sacerdotepin. Daxota bapon Cristo exana xua jiwi capanenebiyatsi abe pia peexanae cuiru coyenein weya xua ataya tsitecaeya tsane daxita pomonae pia pejume cow_hntsiwichixaetsi.

¹⁰ Nacom yabara tsiw_hn duta xua Cristo pepa sacerdotepin naexana, icha matha Melquisedec ichichi xua yabara tsiw_hn dutatsi xua pepa sacerdotepin naexana, pon caena bayatha popona.

Meje yabara xua poxonae muxuwetatsi pomonae Nacom pejume cow_hntsiwi xua pebarapentsiyainwa po coyene xua pejume cow_hntsiwa Nacom

¹¹ Waxainchi xeinatsi nawita xua po coyene wayabara natsipaebinexa Cristo xuaunxuae anoxuae paca tsipaebatsi. Daichitha bichocono ayapube xua paca yaputane exainchi tsipei

painya coutha jopa pana nayabara copatsim xua bara painya neyabara yaputaewa tsane baxuan.

¹² Caena bayatha bewa pana naexanaem pomonae jiwi painya necuidubi jiwi pam. Daichitha cataunxuae panantawenoname xua ichamonae equeicha caewa yabara paca cuiduba Nacom Pejume Diwesi pocotsiwan xua jiwi nantawenona copiya nacuiduba poxonae aena jume cowanta. Paxam pomonae equeicha caewa pajanta coyene faefaename, xua painya nejume cowantsiwa. Barapo coyene icha be poxonae pexui ichi xua nantawenona mito, jopa peitacupaexaetsi xua pexaewa pewito.

¹³ Pexui poxi isainatsi ba nantawenona mito poxoru pewito jopa xaeyo. Barapocotsi juta coyeneya paichim. Paxam jopa paca itacupaeyo xua painya neyabara yaputaewa Cristo pia pecuidubiwa xua po coyene xanepanaya painya nejinompaewa.

¹⁴ Nama pewi jopa apara pexui nexiyo poxi isainatsi, jame apara ba pomonae pinyon nexa. Barapocotsi juta coyeneya ichi pomonae ba xaniwaicha jume cowanta pia janta coyeneintha barapomonae jopa abe exanaeyo. Barapomonae nacuiduba xua yabara yaputane po coyene abe yawano po coyene wanae.

6

¹ Baraba nacui barapentatsi xua nayabara cueicueijeichi pocotsi coyenein xua copiya naca cuiduba xua Cristo yabara poxonae aena jume cowantatsi. Jame baraba nanta xeinatsi, po coyene pepa pena coyene icha

pomonaē pinyon ichi xua pocotsiwan nanta xeina pomonaē beta jume cowanta. Po coyenein xua bayatha copiya naca cuiduba xua Cristo yabara, jopa nantawenonaetsi xua equeicha wanacuidubiwatsi po coyenein xua abe waexanaexae bewa aura tsainchi xua daxota nacui barapentatsi po coyenein abe, po coyenein xua ba naca wepu tsana exana Nacom weya. Matautano jopa nantawenonaetsi xua jume cowantsinchi Nacom.

² Barapocotsiwanje jopa nantawenonaetsi xua equeicha caewa nayabara cueicueijeichi tsainchi tsipei bayatha payaputaneme. Matautano jopa equeicha nantawenonaetsi xua caewa nayabara cueicueijeji tsainchi xua bewa bautisabinchi. Matautano jopa nantawenonaetsi xua equeicha caewa nayabara cueicueijeji tsainchi xua poxonae Nacom pejume cowantsiwi pecobetha pemataboco jayabiwatsi xua pexeinaenexa pejanta cui coyenein po pejanta coyene Nacom pia Pejumope tana xata tati cata. Matautano jopa nantawenonaetsi xua equeicha caewa nayabara cueicueijeji tsainchi xua equeicha jiwi asu peexanaewatsi petapae cuiru coyene weya. Barichi jopa nantawenonaetsi xua equeicha caewa nayabara cueicueijeji tsainchi xua poxonae Nacom yabara paebina jiwi xua penatsicuentiwa xua abe peexanaexae Nacomtha. Barapoxonae Nacom itawetsina xua bara ataya tsitecaeya tsane abe peexanaexae.

³ Jame barabu nayabara cueicueijeji tsoponae tsainchi icha coyenein xua pena coyene icha Nacom bara naca cui yabara copatsina.

4 Ichamonae penta xua Cristo pejume cowantsiwatsi. Daxota jopa neyapuc̣paeyo xua equeicha tacuidubiwa Nacom Pejume Diwesi barapomonaetha. Barapomonaē Nacom pia pejume xainyeiwa nacuiduba, xuano yaputane Cristo pon Nacom itoroba po cae pin nacuathe tsique. Matautano barapomonaē xeina po pejuṭu coyenein Nacom pia Pejumoŋe ṭnax̣u tatsi cata.

5 Matautano barapomonaē yabara jume cui j̣juṭa Nacom Pejume Diwesi xua daxota yaputane xua barapo diwesi bara xanepana. Matautano barapomonaē tane po peayapuṣu itorobi coyenewa Nacom pia Pejumoŋe ṭnax̣u tatsi cata jiwitha xua barapo jiwi barapo coyenewatha exana pexeinya petsita iṭubi coyenewan beya poxonae Cristo equeicha patopaena.

6 Icha daxita barapo coyenein barapomonaē equeicha nacui barapenta xua jopa Nacom pejume cowantsixaetsi, bapoxonae nama jopa itac̣paetsi xua equeicha caewa pejume cowantsiwa Nacom. Poxonae Nacom equeicha pentatsi baxua be barapomonaē equeicha Jesús caewa bexotsi naetotha. Barapomonaē exana xua jiwi Nacom Pexanto tatsi yabara jume cui caponatsi tsipei jopa Nacom jume cowantsichi. Baxua icha be poxonae ichamonae ichi poxonae matha Jesús naetotha bexotsi xua daxota daxita jiwi Jesús cui caponatsi.

7 Pabi ba po iratha ema ṃu jojoneca poxonae ema duneiba barapo iratha, barapo pabitha jiwi pexaewa ũba. Nacom exana barapo iratha xua pexaewa xaniwaicha taxainwaetsina xua pomonaē peubimonaē taxainwaetatsi.

⁸ Ichitha icha icha pabi saya ɯ pesoiwan xuwa, barapo pabi jopa wɯnaeyo poxoru jiwi jopa yawe-naetsi poxonae ɯba barapo pabitha. Daxota Nacom exana xua barapo pabi jiwi tautsina xua pesoiwan daxita tɯpa peexanaenexa. Icha Nacom cana ichi pabintha bara jɯta cana ichiya exana jiwitha. Icha jiwi Nacom jume cowanta dubenanaebiya, bara Nacom beta exanaena barapo jiwi. Ichitha icha barapo jiwi Nacom pentatsi, Nacom jopa yawenae tsane barapo jiwi. Saya jame Nacom itoroba xua barapo jiwi petautsiwa tsainchi po isototha xua bapana jopa itacounayiyo.

Meje yabara xua wawɯnae ewatsiwa xua pocotsiwa Nacom yabara wanaca tsiwɯnae muxu dutsiwa

⁹ Tamonae pam, paxam pomonae tapaca caantobe jiwichi pam. Bequein baxuan yabara paca tsipaebatsi, xua jiwi petautsiwatsi ichitha paca yabara yaputainchi xua jopa papentsim Nacom. Yaputan xua bara beta paexaname Nacom painya nepaca capanenebiyaexae.

¹⁰ Tsipei Nacom bara xainyeya exana. Nacom jopa paca yabara jɯntemainae tsane pocotsiwan xua bayatha paexaname. Matautano jopa paca yabara jɯntemainae tsane xua ichamonae painya neyawenaewa pomonae irɯ pejume cowantsiwi Nacom. Baxua patsita itapeinya xeiname xua painya neantobexae Nacom. Baxuan caena bayatha paexanaponame, awiya cataunxuae baxuan paexanaponame.

11 Bequein baxua paexaname daichitha paichichipan xua daxita paxam awiya payawenaponaename ichamonae. Ajuntuyapusuya pawnae ewataponare pocotsiwa Nacom yabara paca tsiwanae muxu duta xua beya payacuiya werapaeya othopaename.

12 Jopa paichichipaeinyo xua payabara ajuntucoyenefaetabim xua pawnae ewatame baxua tsipei jopa pana nayabara copatsim xua painya neyabara yaputaewa tsane baxua. Jame maisa bara jutiya paichiponaende, icha ichamonae ichi xua poxonae bichocono jume cowanta Nacom. Matautano barapomonae jopa bepijawa aitaconaeyo xua wnae ewata pocotsiwa Nacom yabara tsiwanae muxu duta.

13 Poxonae Nacom yabara tsiwanae muxu duta Abrahamtha, Nacom pia wantha yabara tsiwanae muxu duta Abrahamtha. Baxua Nacom pia wantha paeba tsipei dapon aibi pon bichocono ainya cui xua beyacaincha Nacom. Nacom ataya jume xainyei paeba daxota Nacom jopa icha wantha paebiyo.

14 Nacom jeye Abrahamtha: “Bara xaniwaicha bichocono cayawenaeinchi. Jinya nemomoxi jiwi pia pemomoxi susato jiwi tatsi pinmonae exanaein”, jei Nacom.

15 Abraham abu saya beitatemaya wnae ewatapona pocotsiwa Nacom yabara tsiwanae muxu duta, jopa aitaconaeyo. Bapoxonae pirapae Abraham catatsi pocotsiwa Nacom bayatha yabara tsiwanae muxu duta bapontha.

16 Poxonae jiwi ba yabara natsiwanae muxu duta xua pocotsiwa bepa pinae exaneibina,

pewantha paeba, po wun xua ichun pewun tatsi pon xua bichocono ainya cui beyacaincha xua barapomonaē. Barapomonaē baxua exana xua ichamonae peyaputaenexa xua bara xaniwaicha xainyeya peexaneibinexa pocotsiwa xua penayabara tsiwunaē muxu dubeibixae. Bapoxonaē ichamonae jopa itacupaetsi xua baxua yabara jume matsontsonoba barapomonaētha.

17 Nacom ichichipa xua tsita itapeinya xeina piamonaētha, pomonaētha pomonaē pecatsixae tsane pia petsiwunaē muxu dutsiwa xua jopa equeicha ichawa nanta xeinaē tsane xua pocotsiwa exanaena. Nacom ichichipa xua barapomonaē peyaputaewa tsane xua bapon xaniwaicha exanaena pocotsiwa bayatha yabara tsiwunaē muxu duta Abrahamtha. Daxota Nacom yabara tsiwunaē muxu duta pia wantha.

18 Ainya coyenewabe Nacom exana po coyenewabe xua jopa itacupaetsi xua ichawa yabara jume toxeinchiya exana. Meje baxue: Icha coyenewa Nacom yabara tsiwunaē muxu duta; icha coyenewano xua Nacom pia wantha yabara paeba xua pocotsiwa exanaena. Nacom jopa itacupaetsi xua peyabara naerabiwa barapo naxobe coyenebe. Waxainchi pomonaetsi xua pentatsi po coyenein barapo nacie pia coyenein, po coyenein xua abe exanatsi naca cana exana. Matautano jume cowantsiya wunaē ewatatsi xua Nacom wanaca yawenaewa tsane xua naca capanenebiya abe waexanaē coyenewa weya. Barapocotsiwa bayatha naca yabara tsiwunaē muxu duta.

19 Waxainchi wunaē ewatatsi xua Nacom bexa

naca capanenebiya tsane. Wajume cowantsixae baxua daxota naca juntu coyene ayapusu exana. Naca itacupa xua wayabara jume cowantsiwa. Wawnae ewatsixae baxua naca yawena xua beta jinompatsi Nacom nexa. Baraxua icha be poxonae jera ichi xua tuwtha babatabaruta pocotsiwa xua xota bichocono arewe xua jera beta perucuaenexa. Tsipei xaniwaicha wnae ewatatsi pocotsiwa Nacom exanapaeba, baxua naca cana exana xua nacaewabatsi Nacomtha xua caemonae nanaexanatsi bapontha. Nacom itaboco beequiya, paparuwa pema werena pia botha eca xua tututhiya xua pin botha ichaxota wapatsiwa tsane.

²⁰ Jesús itaboco beicha naca tsiwnae patopiya Nacom pexainya beicha tatsi. Bapon copiya bewa bara bepatopiyaena xua wanaca matacaponaenexa xua iru wanaca itacupaewa tsane xua wapatsiwa tsane bara beicha Nacomtha. Daxota poxonae baxua exana Jesús naexana pepa sacerdotepin icha matha Melquisedec ichi pon caena bayatha popona.

7

Meje yabara xua Jesús pepa sacerdotepin naexana, icha matha Melquisedec ichi

¹ Bapon Melquisedec caena bayatha Salem tomarapiwi itorobiya pia pepa peewatsinchi. Matautano bapon sacerdotepin pon petsipaebin Nacomtha jiwi nexa, pon Nacom xua itaboco beequiya. Abraham caibe nawirena xua poxonae nawabchata xua poxonae yotaba ainya nacuanpiwi pomonaе jiwi itorobiya

pia pepa peewatsiwichi xuano xua poxonae Abraham juteba barapomonae. Bapoxonae Melquisedec matenta iya, Abraham matenta iyatsi. Melquisedec Abraham jeichichi: “Barabun Nacom beta cayawenaena”, jei Melquisedec.

² Abraham nota pocotsiwan xeina pomonae jiwí itorobiya pia pepa peewatsiwichi xua peamanayabixae poxonae juteba. Abraham ainyawan capana, xua diez xuanbe. Jiwana wetsatsaba tsiniya xua Melquisedec pecatsinexatsi sacerdotepinxae. Bapon Melquisedec hebreomonae pijumetha yabara wun caunuta xua jei: “Bapon jiwí itorobiya pia pepa peewatsinchi pon xua beta peexanaein”, jei. Bapon Melquisedec Salem tomarapiwi itorobiya pia pepa peewatsinchi. Barichi barapo Salem wun hebreomonae pijumetha yabara wun caunuta xua jei: “Juntema popona”, jei. Daxota barapo naxobe wunbe yabara wun caunutatsi xua jeye: “Pon jiwí itorobiya pia pepa peewatsinchi xua beta peexanaein xuano xua juntema popona”, jei xua hebreo jumetha.

³ Nacom Pejume Diwesitha Melquisedec paxa tatsi pewun jopa yabara yopitichi. Matautano pena tatsi jopa yabara yopitichi. Barichi jopa yabara yopitichi pia pamo susato jiwí tatsi. Matautano bapon jopa yabara paebichi ichaxota naexana. Matautano jopa yabara yopitichi ichaxota bapon naxuba. Bapon apara sacerdotepin xua ataya tsitecaeya pon petsipaebin Nacomtha jiwí nexa. Bapon sacerdotepin xua ataya tsitecaeya icha ichi pon Nacom Pexanto tatsi pon pepa sacerdotepin.

⁴ Payabara nanta xeinare xua bapon Melquisedec bichocono Abraham tsita ainya cuichi. Abraham pon wamo susatopin bapontha cata xua bayatha diez xuanbetha caewan jiwana wetsatsaba tsiniya. Baxua xua xuan Abraham cata apara xua bayatha yabara amanayaba pomonaetha pomonae jiwi itorobiya pia pepa peewatsiwichi xua poxonae Abraham juteba.

⁵ Moisés pia peitorobi coyenewatha jeye: “Sacerdotepiwi pomonae Leví pia pemomoxi susato jiwi tatsi, itacupatsi xua bara nota caewan pocotsiwa xua jiwi catsiba xua poxonae jiwi diez xuanbe caewan jiwana wetsaba pocotsiwan xua xuan xeina”, jei Moisés pia peitorobi coyenewatha. Barapo sacerdotepiwi baxuan exana barapo jiwitha yaitama piamonae tatsi. Matautano exaneiba yaitama barapo jiwi Abraham pia pemomo susato jiwi tatsi icha barapo sacerdotepiwi ichi.

⁶ Ichitha Melquisedec jopa Leví pia pemomoxi susato jiwi tatsi. Bequein bapon jopa dapomon- aeyo daichitha Abraham catsiba bapontha poxonae caewan jiwana wetsaba tsitsiniya daxita xua diez xuanbetha jiwanan. Abraham xeina peyabara tsiwuna nae muxu dutsiwan, po peyabara tsiwuna nae muxu dutsiwan bayatha Nacom yabara tsiwuna nae muxu duta. Bequein Abraham xeina po peitorobi coyenewa xua itacupatsi xua jeye icha monaetha: “Barab_u Nacom beta cayawenaena”, xua jei, ichitha Melquisedec baxua Abraham tsi- paebatsi.

⁷ Jiwi ba yaputane xua ba bichocono ainya cui pon xua jeye: “Barab_u Nacom beta cayawenaena”,

pon jei. Bapon bichocono ainya cui beyacaincha pon xua pebaraunchixaetsi. Daxota yaputainchi xua Melquisedec bichocono ainya cui beyacaincha xua Abraham tsipei Melquisedec tsipaeba Abraham xua Abraham tsipaebatsi.

⁸ Anoxuae po dapaethe sacerdotepiwi pomonae pomonaetha xua jiwi catsibeiba xua poxonae diez jiwana wetsabeiba, barapo sacerdotepiwi saya jiwi xua saya pewerapaewa tsane. Ichitha nama Nacom Pejume Diwesitha Melquisedec yabara paebatsi pon xua ataya tsitecaeya pepoponaein xua jopa petupaewa.

⁹⁻¹⁰ Metha jame be icha iche: Poxonae Abraham cata Melquisedectha poxonae caewan jiwana wetsaba diez xuanbe jiwana, bapoxonae cataunxuae abũ Leví jopa naexanaeyo. Matautano Leví pia pexui tatsi cataunxuae jopa naexanaeyo. Barichi cataunxuae pia pemomoxi susato jiwi tatsi cataunxuae jopa naexanaeyo. Bapon Leví pon matapainya pepa sacerdotepin canamata canaexaña poxonae cotacaya ichamonae irũ sacerdotemonae naexana. Bapoxonae sacerdotepiwi naexanumenapona. Bapon tsipaebeiba Nacomtha jiwi nexa. Poxonae Abraham catsiba Melquisedectha xua poxonae caewan jiwana wetsaba diez xuanbe Nacom be tsitatsi xua apara be Leví irũ cata xua irũ be bara Leví pia pemomoxi susato jiwi tatsi catsiba. Poxonae Abraham cata Melquisedectha xua diez xuanbe caewan jiwana wetsaba, bapoxonae yawa muxuna cata pia pemomoxi susato jiwi tatsi nexa bequein barapomonae jopa cataunxuae naexanaeyo.

11 Sacerdotepiwi po sacerdotepiwi Leví canamata canaexana sacerdotepin, barapo sacerdotepiwi israelmonae catatsi Moisés pia peitorobi coyenewa tatsi. Daxita barapo sacerdotepiwi Aarón pia pemomoxi susato jiwi tatsi. Barapo sacerdotepiwi jopa itacupaetsi xua jiwi cana exanatsi xua penajuntu coyene xanepana exanaewa Nacomtha xua penatsicuentsiwa yabara xua abe peexanaexae Nacomtha. Bequein sacerdotepiwi exanapona pocotsiwa itoroba barapo Moisés pia peitorobi coyenewatha ichitha awiya jopa itacupaetsi xua jiwi yawenatsi. Daxota jiwi equeicha canamatawenona icha sacerdotepin. Barapo sacerdotepin jopa bewa exanae icha Aarón pia pemomoxi susato jiwi tatsi jiwana ichi. Jame barapo sacerdotepin bewa exanaena icha Melquisedec ichi.

12 Poxonae Nacom icha sacerdotepin cana exana be pocotsin icha Melquisedec ichi bapoxonae yawa muxuna bewa exanaena pena peitorobi coyenewa.

13 Barapo pena sacerdotepin pon Wanacanamataxeinaein, bapon baxua yabara paebatsi Nacom Pejume Diwesitha. Bapon apara Israel pemomoxi susato jiwi jiwana pin pomonae jiwana xua doce po bicheitobe. Ichitha bapon naexana icha bicheito dena xua Judas pia bicheito dena po bicheito dena bayatha bapana jopa jiwana naexanaeyo sacerdotepin.

14 Daxita jiwi yaputane xua barapon pon Wanacanamataxeinaein naexana Judá barompaya pia pemomoxi susato jiwi dena tatsi.

Poxonae Moisés yabara paeba sacerdotepiwi Moisés jopa yabara paebiyo xua Judá pia pemomoxi susato jiwi jiwana tatsi naexanaena sacerdotepin.

¹⁵ Daxota waxainchi xaniwaicha bara yaputainchi xua barapo pena sacerdotepin naexana icha sacerdotepiwi yaiwi, icha Melquisedec ichi pon pepa sacerdotepin.

¹⁶ Bapon Cristo jopa naexanaeyo sacerdotepin xua poxoru Moisés pia peitorobi coyenewatha pepaebixae xua Leví pia pemomoxi susato jiwi jiwana tatsi bewa naexanaena sacerdotepin. Jame apara Cristo sacerdotepin naexana Nacom pia peayapus_u itorobi coyenewatha xua pexeinaexae peajunt_ucoyenes_uwa po peajunt_ucoyenes_uwa ataya tsiteca xua jopa itac_upaetsi xua peweraweracaewa.

¹⁷ Nacom Pejume Diwesitha Cristo baxua yabara jeichichi:

“Xam sacerdotepim naexaname ataya xua petsitecaenexa, barapo sacerdote yajiwim icha Melquisedec ichi xua sacerdotepin”,
jei Nacom Pejume Diwesitha,
xua Cristo yabara paebatsi.

¹⁸ Nacom cana exana xua Moisés pia peitorobi coyenewa tatsi jiwi jopa canantawenonaeyo tsipei barapo coyenewa jopa xeinaeyo peayapus_uwa xua jiwi cana exanatsi xua jopa pexeinaewa penatsicuentsiwa xua abe peexanaexae Nacomtha. Mata_utano jopa itac_upaetsi xua jiwi pecanaexanaewatsi xua pecapanenebiwatsi abe pia peexanae cuiru coyene weya.

19 Barapo Moisés pia peitorobi coyenewa tatsi bapana jopa itacupaetsi xua jiwi juntu coyene xanepana exanatsi Nacomtha. Daxota anoxuae pena coyenewa xeinatsi xua ainya cui beyacaincha po coyene xua copiya. Barapo pena coyenewa naca cana exana xua wunaewatatsi pocotsiwa Nacom exanapaeba xua barapo pena coyenewaxae daxota anoxuae Nacom naca yaputane xua piamonaexae tatsichi.

20 Nacom xainyeya yabara tsiwunaemuxu duta pia pewantha xua Cristo naexanaena sacerdotepin xua ataya tsitecaeya. Jopa nama Nacom pia pewantha yabara tsiwunaemuxu dutsiyo xua sacerdotepiwi penaexanaenexa pomonae Leví pia pemomoxi susatopiwi tatsi.

21 Ichitha poxonae Cristo pon jiwi Pecanamataxeinaein sacerdotepin naexana, bapoxonae ichan, Cristo yabara paebatsi Nacom Pejume Diwesitha, jeye:

“Nacom pia pewantha yabara tsiwunaemuxu duta, ichawa jopa toxeincha yabara exanae tsane.

Poxonae Nacom yabara tsiwunaemuxu duta, bapon jeye Pexantotha: ‘Xam sacerdotepim xua ataya petsitecaenexa’, jei Nacom”, jei ichan xua Nacom tapaebatsi Nacom Pejume Diwesi.

22 Poxoru Nacom tsiwunaemuxu duta xua Jesús naexanapaeba sacerdotepin daxota Nacom tsita itapeinya xeina xua exanaena xua bayatha paeba barapo pena coyenewatha.

23 Bayatha sacerdotepiwi pinmonae tsoponae. Ichitha barapo sacerdotepiwi naitapataya

werapouneiba, yawa ichamonaē naexana sacerdotepiwi. Dapon aibi barapo sacerdotepiwi jiwana pon itacupatsi xua pewetsiwa pia peexanaē coyenewan tsipei daxita werapouneiba.

²⁴ Ichitha poxoru Jesús ataya asu pepoponaexae daxota ataya tsitecaeya exanaena pia peexanaē coyenewa icha pepa sacerdotepin ichi. Jopa nantawenonaeyo xua ichan Jesús pecoutha tanacuitatsi pon xuya sacerdotepin naexana.

²⁵ Daxota bapon ataya tsitecaeya itacupatsi xua jiwī ataya pecapanenebiwatsi pomonae xua pepatsiwa tsane Nacomtha pomonae xua Nacom peyaputaewi pejume cowantsi jiwixae Jesús. Jesús baxua exana ataya tsitecaeya asu pepoponaexae xua pewucaenexa Nacomtha xua barapo jiwī peyawenaenexatsi.

²⁶ Nacom tsita xanepanatsi xua Jesús pepa sacerdotepin naexana xaniwaicha, po sacerdotepin wacanamatawenonaexae. Yatsicaewa bapon bichocono pejuntū coyene xanepanaein Nacomtha. Bapon Jesús jopa abe exanaeyo ichamonaetha. Nacom tsitatsi xua Jesús jopa natsicuentisiyo poxoru abe jopa exanaeyo Nacomtha. Bapon Jesús seicaya exana ducwanaebiya. Jopa exanaeyo icha be ichi pomonae abe peexana dubenanaebiyaewi. Bapon Jesús Paxa capoinchi po itaboco tajū beicha po itaboco beyacaincha xua necoichatsi xua Jesús barapo itaboco beicha Paxa ainya cui exanatsi.

²⁷ Pepa sacerdotepiwi ba bewa exaneibina po coyene xua duwei jutebeiba iboto matatsuntha xua tuxusi exaneiba Nacom nexa, daxita matacabintha tsaibi. Baxuan nata exaneiba copiya abe

pia peexanae coyenewan nexa. Bapoxonae cotacaya jiwi taexaneibatsi abe pia peexanae coyenewan nexa. Nama Jesús jopa barichiyo. Nama seicayiya icha coyeneya exana. Bapon Jesús pia pepon nata caenaeta xua tupa exanatsi saya bara cae cui coyenetha daxita carepaya jiwi nexa xua jiwi abe pia peexanae cuiru coyenewan tatsi nexa.

²⁸ Moisés pia peitorobi coyenewa tatsi canacui coyene exanatsi xua bara saya jiwi naexana pepa sacerdotepiwi. Barapo pepa sacerdotepiwi abe exana xua saya pecui pawí. Barapomonaе jopa pejuntá cui coyene xanepanae jiwi Nacomtha. Ichitha Nacom yabara tsiwánae muxu duta pia wántha xua Pexanto cana exana pepa sacerdotepin, po sacerdotepin yatsicaewa ataya tsitecaeya bichocono pejuntá coyene xanepanaeinxae Nacomtha. Baxua Nacom exana xua yabara tsiwánae muxu duta xua pepuya weya tatsi poxonae Moisés catatsi peitorobi coyenewa.

8

Meje yabara xua Jesús pon pejume yawenaein jiwi Nacomtha

¹ Anoxuae xua pocotsiwa xua bichocono peainya cui coyenewa meje baxue: Waxainchi xeinatsi yatsicaya pepa wasacerdotepin, pon yatsicaewa bichocono pejuntá coyene xanepanaein Nacomtha xuaunxuae yabara paca tsipaebatsi. Bapon eca pia peitupanae ecaethopaewatha Nacom pia pecoxa weya tatsi, peitabocotheicha.

² Anoxuae Jesús nacuita Nacom pia xantheicha tatsi po penacuichi coyeneya sacerdotepiwi exana Nacom pia botha tatsi xua itabocotha. Barapo bo yatsicaewa Nacom pia pexainyei bo tatsi ichaxota popona xua itabocotha. Nacom pon jiwi Pecanamataxeinaein exana barapo bo. Jiwi jopa exanaeyo barapo bo.

³ Nacom daxita carepaya pepa sacerdotepiwi yabara tsiwun dubatsi xua jiwi petaexanaenexa tsaibi tsainchi po coyene pocotsiwa xua jiwi amanaya pecatsiwa Nacomtha. Matautano barapo pepa sacerdotepiwi yabara tsiwun dubatsi xua jiwi petaexanaenexa tsaibi tsainchi po coyene xua duwei pejutebiwa pocotsi duwein xua jiwi amanaya pecatsiwa Nacomtha xua abe peexanaexae. Daxota Jesús iru bewa bara ichiya exanae xua Nacom taexanatsi ichi sacerdotepiwi ichi poxonae Nacom taexanatsi.

⁴ Icha metha barapo dapaetha Jesús poponaetsipa barapo irathe poxonae iruru jinompa barapo sacerdotepiwi po sacerdote Aarón yaiwi jopa itacupaetsipaetsi xua cana exainchi pepa sacerdotepin. Tsipei cataunxuae barapo irathe sacerdotepiwi yaiwi exanapona pocotsiwa Nacom nexa xua Moisés pia peitorobi coyenewatha pecuitorobixae.

⁵ Ichitha barapo sacerdotepiwi tanacuita be pocotsiwa xua saya penajupae coyenewa xua jopa pexainyei coyenewa. Pocotsiwa jame xua pexainyei coyenewa, baxua jame Jesús exana peitabocotha. Pocotsiwa xua barapo sacerdotepiwi tanacuita saya be penajupae coyenewa ichitha xaniwaicha jopa

najupaeyo xua be pocotsiwa Jesús exana peitabocotha. Baxua yaputainchi poxonae Nacom Moisés tsipaebatsi. Poxonae Moisés muxu pecuaranotsi anseraboco xua ichaxota jiwi w_hnae jainteibina Nacomtha bapoxonae Nacom Moisés tsipaebatsi. Nacom jeye: “Yabara nanta xeinare xaniwaicha xua daxita beta neexanaenexa anseraboco xua bayatha pocotsiwa yabara catsita itapeinya xeinatsi demxuwatha. Barapocotsi anserabocotontha seicaya jiwi new_hnae jainchina”, jei Nacom.

⁶ Nama Cristo, yatsicaya pon wasacerdotepin, bapon exana itaboco beicha pocotsiwa xua yatsicaewa bichocono peainya cui coyenewa. Barapo coyene bichocono ainya cui beyacaincha po coyenewa xua peru coyenewa xua po coyeneya icha sacerdotepiwi exaneiba barapo irathe. Cristo jiwi yabara jume yawenatsi Nacom beicha xua jiwi pepatsinexa Nacomtha. Barapo pena coyenewa Nacom yabara tsiw_hnae muxu duta xua bichocono w_hnae beyacaincha barapo peru coyenewa po coyenewa pocotsiwa sacerdotepiwi exaneiba. Barapo pena coyenewa jiwi j_hnt_h coyene xanepana exanatsi Nacomtha. Ichitha barapo peru coyenewa jopa daichiyo.

⁷ Bayatha peru petsiw_hnae yabara muxu dutsiwa Nacom Moisés yabara tsiw_hnae muxu dutatsi. Icha barapo coyenewa xainaetsipa peayapus_hwa xua daxota jiwi beta j_hnt_h coyene xanepana exanatsi Nacomtha, metha jopa nantawenonaetsipae icha pena petsiw_hnae muxu dutsiwa.

⁸ Ichitha Nacom tane xua barapo jiwi jopa

pejuntũ coyene xanepanae jiwi bapontha poxonae barapo peru peyabara tsiwũnae muxu dutsiwa xeina. Daxota ichũn Nacom Pejume Diwesitha jeye:

“Nacom jeye: Matacabin othopaena, po matacabintha

pena petsiwũnae muxu dutsiwa exanaein Israel nacuapiwi pia pemomoxi susato jiwitha tatsi irũ Judea nacuapiwi pia pemomoxi susato jiwitha tatsirũ.

⁹ Jopa bara jũta coyeneya ichin tsane poxonae matha icha ichin painya amo susato jiwitha. Barapo coyene barapomonaetha catan poxonae matacaponan Egipto nacua weya.

Daichitha barapomonae jopa nacui yabara wũnaetsiyo xua peexanaenexa pocotsiwa itoroban poxonae catan barapo peyabara tsiwũnae muxu dutsiwa barapomonaetha.

Daxota barapomonae punapentan, xua jopa tayawenaewa tsane, jei Nacom”, jei ichũn.

¹⁰ Equeicha ichũn jeye:

“Nacom jeye: Barapo peyabara tsiwũnae muxu dutsiwa Israel nacuamonaetha, poxonae barapo matacabin wetsina bara baxua exanaein.

Janje: Jiwi pejuntũ coyenewatha ichaxota nanta xeina taitorobi coyenewa baxota dubin.

Barapoxonae barapomonae neyaputaena yawa nejume cowũntsiya jejei tsane.

Tacoutha barapomonae pia Nacom tatsi naexanaein.

Barapomonae tamona naexanaena.

¹¹ Dapon aibi pon bewa cuidubina ichũntha xua xan yabara, xuano xua cuidubina pia jitontha

xua xan yabara, matautano xua cuidubina
peweicho xua xan yabara
petana neyaputaewanexa tsane.

Jopa bewa cuidubi tsane barapomonaе tsipei
daxita jiwi neyaputaena pomonaе pecui paw
jiwi, irano pomonaе peainya cui jiwi.

¹² Xan barapomonaе cui yabara jantemainaеin
abe pia peexanaе cuiru coyenein tatsi, xua
jopa pexeinaewa tsane xua tana netsita
natsicuentsiwa xua abe peexanaewaxae.
Bapana ataya equeicha jopa yabara nanta
xeinaеin tsane barapo abe peexanaе
cuiru coyenein, jei Nacom”, jei ichan
Nacom Pejume Diwesitha xua saya
Nacom tapaebatsi.

¹³ Nacom yabara paeba pena peyabara tsiw_hnae
muxu dutsiwa tsipei po peyabara tsiw_hnae muxu
dutsiwa copiya Moisés yabara tsiw_hnae muxu du-
tatsi saya peru jume. Pocotsiwa ba peru coye-
newa ba saya weraweraca. Daxota barapo peru
peyabara tsiw_hnae muxu dutsiwa saya iru wer-
aweraca.

9

*Meje yabara xua Nacom pin pia bo tatsi po bo
xua itabocotheicha uncuа xuano irur_h po bo xua po
irate tsique uncuа*

¹ Nacom copiya Moisés yabara tsiw_hnae muxu
dutatsi. Barapo peyabara tsiw_hnae muxu dutsiwa
peitorobi coyenein xeina xua pocotsi coyeneya
israelmonaе bewa exanaena poxonaе nacaetuta
xua w_hnae pejainchinexatsi Nacom. Matautano
barapo peyabara tsiw_hnae muxu dutsiwa itoroba

xua jiwi xeina po bo xua Nacom pia bo tatsi xua po irathe.

² Barapo Nacom pia bo jiwi exana duwein pebocoton xua be anseraboco. Barapo anseraboco ainya tutube xeina. Po tutu copiya dena pewun: “Nacom pia tutu po tutu ainya cui tutu xua jopa pexeinaewa peabe cuiru”, jei. Barapo tututha uncua penainto po penaintotha itanatanota penasiwa. Matautano barapo tututha uncua xua pexaethopaewa po pexaethopaewatha xua baxota jeba pan, po pan xua Nacom catatsi.

³ Paparuwa xua dutsica barapo paparuwa peuma werena icha tutu xeina po tutu pewun: “Yatsicaewa Nacom pia tutu po tutu bichocono pepa peainya cui tutu xua jopa xeinaeyo peabe cuiru”, jei.

⁴ Barapo tututha uncua xua be pexaethopaewa xua u penainto xua oro wan nainto. Baraxota yubeibiya tauteibathopa petuxueiwa po petuxueiwa tuxusi tuxuei benata poxonaetauta. Matautano barapo tututha uncua xua be caja po caja pewun: “Nacom pia peyabara tsiwanae muxu dutsi caja”, jei. Barapo caja peuma weya daxita matapaeicha caxueba oro naintontha. Barapo caja juntututha eca coroto xua oro nainto. Barapo corototha tsijuntutu boca po pexaewa pewun maná matawun xua itaboco pia pexaewa. Matautano barapo caja juntututha boca penacobenababi naewa po penacobenababi naewa bayatha Aarón xeina. Barapo naewa bayatha Nacom xuwa exana xua tsiwixi pirururujei poxonaeta pexeinya petsita itatsi coyene exana pia peayapusu itorobi coyeneyatha.

Matautano barapo caja juntututha bobena iboton po ibotontha mata tinaduba Moisés pia peitorobi coyenewa.

⁵ Barapo caja pemata xatatsiwa jumatha nacueyatabe ecabe ainya querubinbe matawunbe xua jumope canaxobiya exana oro naintotha, ponbe be matatsunpinbe. Barapo ainya querubinbe matawunbe yabara caunuta xua Nacom baxota eca. Barapo ainya querubinbe matawunbe naitama taecabe yawa nacuarafe yeyetecabe xua itata barapo caja pemata xatatsiwa. Matautano irabe tayecarecabe ichaxoya pejana nanubabareca po jana duwein jana. Barapo duwein sacerdotepin bexuba jiwi abe pia peexanae cuiru coyenein tatsi nexa. Anoxuae baxua yabara equeicha jopa bepaca tsipaebichi.

⁶ Daxita nacui wanaeta pocotsiwa xua barapo tutubetha nexa. Bapoxonae sacerdotepiwi joneibeibiya daxita maticabi po tututha xua copiya dena. Barapo sacerdotepiwi barapo tututha exaneiba pia penacuichiwa.

⁷ Ichitha nama po tutu dabeya saya meisa joniyeiba pon pepa sacerdotepin xua saya caetha tsaibi xua daxita weithan tsaibi. Poxonae barapo pepa sacerdotepin barapo tutu iya joniya bewa nata cajoniyaena duwein jana. Barapo jana nanubaba ichaxota querubinbe matawunbe itabarayo deca xua bapon abe pia peexanae cuiru coyenewan tatsi nexa xuano xua iru jiwi abe pia peexanae cuiru coyenewan tatsi nexa xua poxonae jiwi jopa nacui yabara yaputaeyo.

⁸ Peyabara exanaewa daxita baxuan Nacom pia

Pejumope t̄nax̄ t̄atsi naca cuiduba xuaje: Poxonaē cataunxuae sacerdotepiwi taexana dube-nanaebiya Nacom po tututha xua copiya dena, jiwi jopa copatsichi xua pata po tutu dabeya ichaxota Nacom popona.

⁹ Daxita pocotsiwan barapo anserabocototha caena bayatha exana yabara caunuta xua anoxuae wayabara yaputaenexa baxua xua pocotsiwa anoxuae exana. Jiwi Nacom w̄nae jainteibatsi poxonaē sacerdotepin exaneiba pocotsiwa xua jiwi pecatsiwa Nacomtha xuano xua poxonaē exaneibano xua duwei pejutebiwa xua tuxusi exana Nacom nexa. Bara bequein jiwi baxua exaneiba ichitha cataunxuae pia j̄nt̄ coyenein tatsi cana exanatsi xua awiya yabara nanta xeina dube-nanaebiya abe pia peexanaē cuiru coyenein tatsi. Barapo coyene po coyene jiwi exana jopa beta j̄nt̄ coyene xanepana exanaetsi xua jopa penatsicuentiwa tsane Nacomtha xua abe peexanaexae.

¹⁰ Barapo peru peitorobi coyenewa xua Moisés pia peitorobi coyenewa tatsi jiwi jopa yawenaetsi xua penaj̄nt̄ coyene xanepana exanaewa Nacomtha. Saya apara yabara paeba xua jiwi bewa pocotsiwa xaibina poxonaē nabaneiba, matautano xua xuan pocotsiwa bewa apeibina. Matautano jiwi itorobatsi xua po coyenein yabara xua jiwi beta penaper̄ xainwaetsiya nowaewa yabara pia w̄nae jainteibichi Nacom. Barapo coyenein xua saya jiwi bewa cana exanaē pia pepontha beya xua anoxuae Nacom pena coyenewa equeicha exana.

¹¹ Nama Cristo patopa pon pepa sacerdotepin.

Bichocono yatsicaewa pexeinya coyenewa xua pena coyenewa nacata capatopa po coyenewa xua anoxuae waxainchi xeinatsi. Po tutu ichaxota bapon nacuiteiba icha pepa sacerdotepin ichi xua itabocothaicha bichocono w_{nae} tsipei Nacom daxita matapaeicha wetsiya exana. Barapo tutu bichocono w_{nae} beyacaincha po tutu ichaxota sacerdotepiwi tanacuita Nacom xua barapo cae pin nacuathe. Jiwi jopa acabiyo barapo tutu xua itabocothaicha tsipei barapo tutu jopa apara po cae pin nacuathe tsique nexiyo.

¹² Cristo joniya ichaxota yatsicaewa Nacom pia xantha. Bara xoteicha Cristo jopa caponaeyo duwein jana po duwein pew_n chivo, xuano xua vaca jana jopa caponaeyo xua pen_n jana, xua pebto jana. Saya jame Cristo Nacom tsita itutatsi xua bapon jiwi tsit_upatsi xua abe pia peexanae coyenewan tatsi. Bapon Cristo saya bara cae coyenewatha joniya baxoteicha xua daxita carepaya jiwi nexa. Daxota bapon Cristo bara ataya tsitecaeya naca capanepa.

¹³ Sacerdotepiwi ba nota vaca pebton pia pejanan, yawa chivo pia pejana xuano ipuna xua poxonae tautatsi vaca pesowatiyo peweinyo. Sacerdotepiwi mata wen_nababa jiwi daxita baxuantha pomonaetha pomonae xua abe peexanae cuiru coyenein peexanaewixae. Bara bapoxonae barapo coyene jiwi itac_upatsi xua cana exanatsi xua jopa penataxobiwa pia pepontha bequein awiwa xeina penatsicuentsiwa.

¹⁴ Bequein bara baxuan barapo jiwi tsiwiyo yawenatsi xua jopa petaxobiwatsi pia pepontha ichitha nama Cristo pia pejana tatsi bara-

pomonaē bichocono yawenatsi. Cristo pejana bichocono peayapus_u coyenewa xeina beyacaincha xua duwein pejana. Nacom pia Pejumope t_unax_u tatsi po jumope ataya tsitecaeya popona barapo pejumope t_unax_u tatsi Cristo yawenatsi poxonae saya Cristo nayabara cui copata xua bara pebexubinexatsi poxonae pejana pichapabarena pewan weya pet_upaewatha. Bapon Cristo jopa bapana exanaeyo peacoyenebewa. Cristo wanaca tsit_upaexae Nacom naca j_unt_u coyene xanepana exana. Daxota Nacom jopa tsita natsicuentichi abe waexanaexae. Waj_unt_u coyene equeicha jopa yabara wanaca tsipaebinexa abe waexanae coyene. Daxota jopa bewa ponae tsainchi ichaxota ataya atene tsaibi pomonaē jopa pejume cow_untsiwi. Anoxuae jame naca itac_upa xua aj_unt_us_uya taexana dubenanaebiyatsi Nacom pon xua ataya tsitecaeya as_u pepoponaein.

15 Daxota bapon Cristo naexana pon nacata paeba Nacomtha yawa pon naca tsipaeba Nacom nexa. Bapon Cristo nacata catsica Nacom pia pena peyabara tsiw_unae muxu dutsiwa tatsi. Bapon naca cana exana xua daxitatsi caemonae naexanatsi Nacomtha. Poxonae naca tsit_upa Nacom yabara j_untemaina abe peexanae cuiru coyene po peabe exanae cuiru coyenein xua jiwi caena bayatha exana poxonae cataunxuae exanapona po coyene bayatha Nacom Moisés yabara tsiw_unae muxu dutatsi xua peru peyabara tsiw_unae muxu dutsiwa. Daxita pomonaē Nacom pewabixae barapomonaē catsibinchi peaj_unt_uyapus_uwa po peaj_unt_uyapus_uwa xua ataya tsitecaeya tsane xua bayatha Nacom peyabara tsiw_unae muxu dut-

sixae barapomonaetha.

¹⁶ Poxonae pebin ba ichichipa cata pia pecopiniwa ichamonaetha xua poxonae t̄apaena, copiya matha yabara caununaya w̄n tinaduba paperatha pomonae xua pecopiniwa xeinaewa tsainchi. Pomonae xua pecopiniwa xeinaewa tsainchi barapomonae bewa tsita itapeinya xeinaena xua barapo pebin xaniwaicha bara t̄apaba xua poxonae beya pew̄naeya tsane xua pecopiniwa notsinexatsi pon xua t̄apa. Bapoxonae barapomonae bara itac̄patsi xua pexeinaewa pocotsiwa xua bapon xeina pon t̄apa.

¹⁷ Barapo papera, po paperatha bayatha pebin nacopiniwa yabara jume tinaduba cataunxuae jopa ainya cuiyiyo poxonae ab̄n cataunxuae bapon popona tsipei jopa copiniwa notichi barapomonae. Saya jame poxonae bapon yatsicaewa t̄apaba bapoxonae jame ainya cui barapo papera, tsipei barapomonae itac̄patsi xua pexeinaewa tsane pocotsiwa bapon xeina.

¹⁸ Barichi barapo copiya peyabara tsiw̄nae muxu dutsiwa. Pew̄naeya tsane xua poxonae jiwi xeinaena pocotsiwa bayatha Nacom Moisés yabara tsiw̄nae muxu dutatsi sacerdotepin bewa matha duwein bexubina xua bapoxonae barapo coyene jiwi pexeinaewa tsane.

¹⁹ Moisés daxita pia peitorobi coyenewan yabara paeba daxita jiwitha. Nexata bapon pena xua oveja na xua tsobia naewiyotha opi yarabaxuba, po naewiyotha pew̄n hisopo naeyo. Bapon mene muxunaxuba vaca jana poyo peweinyo pebtiyo xuano xua muxunaxuba chivo jana. Bapoxonae baxuan bapon Moisés

nunababa Nacom Pejume Diwesitha. Matautano daxita jiwitha mata wenunababa.

²⁰ Bapoxonae Moisés daxita jiwitha jeye: “Barapo jana po janatha paca mata wenunababatsi apara Nacom itoroba xua tapacata exanaewatsi tsainchi. Baxua paca tsita itapeinya xeina xua Nacom xaniwaicha bara pacata exanaena pocotsiwa pia peyabara tsiwanae muxu dutsiwa”, jei Moisés.

²¹ Barichino Moisés exana xua anseraboco mata wenunababa pejanatha. Matautano muxuna mata wenunababa xua xuan barapo anserabocototha tututha umena pocotsiwan sacerdotepiwi canacuiteiba poxonae jiwi nacaetuteiba xua Nacom wanae pejainchinexatsi.

²² Moisés pia peitorobi coyenewantha tatsi itoroba xua bara imoxoyo daxita coyeneintha bewa pejanantha mata wenunababi xua daxita baxuan Nacom jopa petsita nataxobinexatsi. Nacom jopa yabara jumentainaeyo jiwi abe pia peexanae cuiru coyenein tatsi icha jopa pejana epa-epacaeyo xua barapo jiwi nexa.

Meje yabara xua Cristo tsitupa jiwi abe pia peexanae cuiru coyenewan tatsi

²³ Sacerdotepiwi bewa jutebina duwei pemata wenunababinexa pejanatha anseraboco. Bapoxonae Nacom petsita xanepanaenexatsi xua jopa nataxobiyo barapo anseraboco xuano xua xuan tututha umena. Barapo coyene saya yabara caunuta xua yatsicaewa pepa coyenewa Cristo exana peitabocotheicha. Ichitha nama barapo yatsicaewa pepa coyenewatha peexanaenexa

peitabocothēicha jame bewa pejana epa-epacae pejana pon pejan^{ntu} coyene xanepanaein pon peainya cuin pia pejana tatsi xua Nacom tsita jiwi xanepanatsi xua jopa penatsicuent^{siwa} xua abe peexanaexae Nacomtha. Barapo jana bichocono ainya cui beyacaincha duwein jana po jana xua sacerdotepiwi n^{un}baba po cae pin nacuathe.

24 Poxonae Cristo joniya Nacom pin pia botha tatsi xua itabocothēicha jopa joniyaeyo po bo saya jiwi exana po cae pin nacuathe xua Nacom pin pia bo tatsi. Barapo bo xua Nacom pin pia bo saya yabara caunuta xua yatsicaewa peitabocothēicha xeina pepa Nacom pin pia bo tatsi. Jame Cristo joniya Nacom pin pia botha tatsi, xua Nacom pia nacuatheicha tatsi xua itabocothēicha. Baxoteicha anoxuae Cristo naituta Nacomtha xua wanacata tsipaebinexa Nacom peitabaratha.

25 Pon pepa sacerdotepin bewa joniyaena bara saya caetha tsaibi xua daxitan weithan tsaibi ichaxota po tutu yatsicaewa Nacom pia tutu xua po tutu bichocono yatsicaewa peainya cui tutu xua barapo anserabocototha. Barapon pejana capaneiba barapo tututha xua duwein jana xua jopa barompaya pia pejana tatsi. Nama Cristo jopa nantawenonaeyo xua nayabara cui copata xua matowa t^{upa} pecana exanaewatsi xua jiwi abe peexanae cuiru coyenein tatsi nexa.

26 Icha baxua tsipae bapoxonae bapon matowa t^{upa} exaneibichipatsi xua bexubeibatsi xua poxonae Nacom aena barapo cae pin nacue forota xua beya anoxuae. Ichitha nama anoxuae weta xua peru dapae tsipei bapon Cristo patopeica barapo cae pin nacuathe pet^{upa}enexa xua

saya bara cae coyenewatha ataya petsitecaenexa tsane. Bapon Cristo naetotha tsitupa jiwi xua Nacom jiwi peyabara cui jumentainaenexatsi abe pia peexanae cuiru coyenein tatsi.

²⁷ Daxita jiwi ba werapouneibina saya caetotha. Bapoxonae pirapae Nacom yabara paebina daxita jiwi xua penatsicuentsiwa xua abe peexanaexae.

²⁸ Barichirua, icha jiwi ichi Cristo saya caetotha tsitupa jiwi pinmonae, xua Nacom jiwi abe pia peexanae cuiru coyenein tatsi pecayabara jumentainaenexa tsainchi. Equeicha bexa tsane patopeicaena po cae pin nacuathe. Jopa tsipatopeicae tsane xua equeicha petsitupaewa tsane jiwi abe pia peexanae cuiru coyenein tatsi. Jame tsipatopeicaena xua pecapanenebiyaenexa pomonaetha pomonae pia pewanae ewatsi jiwixaetsi xua bapon pepatopaewa po cae pin nacuathe tsique.

10

¹ Moisés pia peitorobi coyene tatsi, baxua saya yabara caunuta xua yaputane wanaca exanaenexa po coyene xua wanae po coyene xua bexa Nacom exanaena itabocothaicha. Barapo coyene, jopa pepa coyenewiyo poxoru jopa jupaeyo po coyene xua Nacom yatsicaewa xeina itabocothaicha. Moisés pia peitorobi coyenewa tatsi jopa itacupaetsi xua jiwi pejuntu coyene xanepana exanaewatsi Nacomtha pomonae wanae jainteiba Nacom. Bequein pepa sacerdotepiwi daxita weitha exaneiba xua duwei jutebeiba jiwi abe pia peexanae cuiru coyenein tatsi nexa daichitha cataunxuae jopa itacupaetsi xua jiwi juntu coyene xanepana exanatsi xua

jopa pexeinaenexa xua penatsicuentsiwa xua abe peexanaexae Nacomtha.

² Icha Moisés pia peitorobi coyene tatsi jiwi jüntu coyene xanepana exanaetsipatsi Nacomtha bapoxonae sacerdotepiwi jopa equeicha nantawenonaetsipae xua equeicha pejutebeibiwa duwei jiwi abe pia peexanae cuiru coyenein tatsi nexa. Icha jiwi caetotha jüntu coyene xanepanaetsipa Nacomtha, bapoxonae jiwi jopa natsicuentcipae xua abe peexanaexae Nacomtha.

³ Ichitha poxonae barapo sacerdotepiwi jutebeiba duwei jiwi abe pia peexanae cuiru coyenein tatsi nexa bequein baxua exana cataunxuae jiwi cana exanatsi xua yabara jüntanaina barapo abe pia peexanae cuiru coyenein tatsi. Jiwi yabara jüntanaineiba baxuan daxita weitha poxonae duwein jutebeibatsi barapo jiwi nexa.

⁴ Vaca pebto pia pejana tatsi yawa chivo pia pejana tatsi jopa bapana jiwi jüntu coyene wenotichi abe pia peexanae cuiru coyenein tatsi xua jopa penatsicuentsiwa nexa Nacomtha xua abe peexanaexae.

⁵ Daxota poxonae Cristo patopa po cae pin nacuathe tsique, Cristo jeye Nacomtha:
 “Xam jopa ichichipaem po coyene xua duwein pebexubiwa jiwi abe pia peexanae cuiru coyenein tatsi nexa.

Matautano jopa ichichipaem xua po coyenein xua jiwi amanaya necacatsiwa.

Jame pebaxuanexa yatsicaewa pepa jiton necana exaname xua naexanan, tatsitupaenexa jiwi abe pia peexanae

cuiru coyenein tatsi nexa.

⁶ Xam jopa cajuntũ coyene weiweina exanaeyo poxonae duwein ompin tautatsi xuano xua pexaewa tauta petuxusi exanaenexano xua xam neyabara jantemainaenexa jiwi abe pia peexanae cuiru coyenein tatsi.

⁷ Bapoxonae xan Cristo, janje:

‘Xam Tanacom.

Xan xote po nacuathe patopeicanje taexanaenexa xua pocotsiwa ichichipame be pocotsi coyeneya necui yabara tina jinya diwesitha’, jan”, jei Cristo.

⁸ Copiya Cristo paeba xua jeye: “Xam jopa ichichipaem yawa jopa cajuntũ coyene weiweina exanaeyo po coyene xua poxonae jiwi bexuba duwein xuano poxonae exaneiba po coyene poxonae jiwi amanaya cacatsibeiba. Mataũtano jopa ichichipaem poxonae duwein ompin tautatsi xua jiwi abe pia peexanae cuiru coyenein tatsi nexa”, jei Cristo. Baxua Cristo paeba tsipei Moisés pia peitorobi coyenewatha itoroba xua jiwi bewa exanaena barapo coyenein Nacom nexa.

⁹ Equeicha bapoxonae Cristo cotacaya jeye: “Xan xote po cae pin nacuathe patopeicanje taexanaenexa pocotsiwa ichichipame”, jei. Poxonae Cristo baxua caunutsiya paeba copiducua cana exana po coyene peru coyene. Cristo anoxuae equeicha pecoutha pena coyene exana poxonae naetotha tsitũpa jiwi abe pia peexanae cuiru coyenein tatsi.

¹⁰ Nacom naca juntũ coyene xanepana exana wanaca cana exanaenexa piamonae tatsi poxoru Jesucristo exana pocotsiwa

Nacom peichichipaexae. Jesucristo pia pepon nacaenaeta Nacomtha xua naetotha petsitupaenexa daxita jiwi abe pia peexanae cuiru coyenein tatsi xua bara cae coyenewatha xua ataya petsitecaenexa tsane.

¹¹ Daxita sacerdotepiwi pomonae judiomonae daxita maticabi exaneiba xua duwein pebexubiwa, bequein barapo coyenewa jopa itacupaetsi xua jiwi juntɩ coyene wenotatsi abe pia peexanae cuiru coyenein tatsi.

¹² Nama Jesucristo bara cae coyenewatha exana poxonae naetotha tsitupa jiwi abe pia peexanae cuiru coyenein tatsi, xua bara ataya tsane. Poxonae Cristo baxua nacui weta Nacom pia pecoxatheicha tatsi equiya xua itabocotheicha.

¹³ Baxoteicha Cristo abɩ ewata beya poxonae abɩ tsane poxonae Nacom cana exanaena xua Cristo cana exanaeinchi xua pecanamataxeinaenexa pia peaitafaetabi jiwichi.

¹⁴ Cristo piamonae juntɩ coyene xanepana exana xua ataya tsane poxonae naetotha tsitupa cae coyenewatha. Barapomonae pomonae xua Nacom tsitatsi xua jopa xeinaeyo penatsicuentisiwa pomonae piamonaexae tatsi.

¹⁵ Nacom Pia Pejumope tɩnaxɩ tatsi baxua yabara irɩ naca tsipaeba bayatha Nacom Pejume Diwesitha, jeye:

¹⁶ “Maticabin othopaena po maticabintha xan tayabara tsiwɩnae muxu dutsiwa xua pena coyenewa exanaein barapomonaetha. Jiwi pia juntɩ coyenewantha xua ichaxota nanta xeina taitorobi coyenewa baxota dubin”, jei Nacom pia Pejumope tɩnaxɩ tatsi.

17 Bapoxonae equeicha Nacom pia Pejumope t̃nax̃ tatsi jeye:

“Bapana ataya equeicha jopa yabara j̃ntanainaein tsane jiwi abe pia peexanae cuiru coyenein tatsi”, jei Nacom pia Pejumope t̃nax̃ tatsi, Nacom Pejume Diwesitha.

18 Daxota poxonae Nacom yabara j̃ntemaina jiwi abe pia peexanae cuiru coyenein tatsi, equeicha jopa nantawenonaeyo xua jiwi duwein pebexubiwa xua tuxusi exana Nacom nexa xuano xua po coyene exaneiba xua po coyene Nacom amanaya pecatsibeibiwatsi.

Meje yabara xua waxainchi bewa waj̃nt̃ coyenyatha nanta xeinaetsi xua bara apara imoxoyo itiya jinompatsi Nacom

19 Tamonae pam, daxota anoxuae naca itac̃pa xua jopa junuwiya patsi tsainchi itabocotha ichaxota yatsicaewa Nacom pia tutu, po tutu bichocono peainya cui tutu. Daxota baxua naca itac̃pa tsipei Nacom yabara copata xua bara Jesu-cristo naca tsiwanaya patopa barapo tututha pejana pichapabarenaexae poxonae naetotha naca tsit̃pa.

20 Anoxuae naca itac̃pa xua wapatsiwa Nacomtheicha pena j̃nt̃ coyene waxeinaexae po pena j̃nt̃ coyene ataya ayapus̃ xua poxonae Cristo wanaca tsit̃paexae. Baraxua be poxonae metha Cristo nacata pataxubichipa paparuwa po paparuwa yacaincha ducua Nacom pia tutu po tutu yatsicaewa peainya cui tutu. Daxota joniyaeinchi waj̃j̃nomp̃aenexa Nacomtha.

²¹ Bapon Jesús, yatsicaewa wasacerdotepin, pon canamataxeina Nacom pia bo tatsi xua itabocotheicha.

²² Daxota bewa wajuntɩ coyeneyatha nanta xeinaetsi xua bara apara imoxoyo itiya jinompatsi Nacom, xua yatsicaewa xainyeya wajuntɩ coyene xanepanaexae bapontha. Matautano bewa wajuntɩ coyeneyatha nanta xeinaetsi xua bara apara imoxoyo itiya jinompatsi Nacom xanepanaya wajume cowantsiya jinompaexae. Matautano bewa wajuntɩ coyeneyatha nanta xeinaetsi xua bara apara imoxoyo itiya jinompatsi Nacom tsipei jopa juntɩ coyene auratsi xua jopa watsita natsicuentisixae xua abe waexanaexae. Matautano bewa wajuntɩ coyeneyatha nanta xeinaetsi xua bara apara imoxoyo itiya jinompatsi Nacom tsipei poxonae ichamona naca bautisaba meratha tsita itapeinya xeinatsi xua Nacom bayatha naca juntɩ coyene xanepana exana.

²³ Barabɩ naajuntɩcoyenesɩ exainchi xua jopa junuwiya wayabara paebiwa tsainchi wawɩnae ewatsiwa. Baxua exanaponaeinchi tsipei bara yaputainchi xua Nacom bara exanaena pocotsiwa bayatha yabara naca tsiwɩnae muxu duta xua jopa yabara ainya unthɩtontsi.

²⁴ Barabɩ yabara nanta xeinaeinchi po coyenewa xua nantiya nacui tsacabinchi xua wanayawenaewatsi. Bapoxonae nantiya naantobe tsainchi, matautano xua xanepanaya beta nantiya nata exanaeinchi.

²⁵ Jopa bewa bara jɩta coyeneya ichiya exanaetsi be pocotsimona waxainchi jiwantsi pomona jopa pateibiyo poxona nacaetuteibatsi

xua poxonae Nacom wawunae jainchinexa. Ichitha jame bewa nantiya najunta coyene tsacabichi xua juntea wajinompawatsi. Barapo coyene bewa exanaponaetsi beyacaincha xua po cui coyene copiya bayatha. Baxua exanatsi tsipei anoxuae yaputainchi xua matabi jopaena, po mataqueitha pon jiwi Pecanamataxeinaein patopaetsica.

²⁶ Tsipei icha ichamona waxainchi jiwantsi icha barapomona awiya abe exanapona xua pocotsiwa peichichipaexae xua abe exana xua poxona bequein peyaputaewatha po coyene pexainyei jume, nama icha coyenewa ajibi, xua ichan equeicha petsitapaenexa barapo peabe coyenewa.

²⁷ Saya jame meisa tanacopatatsi pomona awiya abe exanapona xua matabi cunuwa po mataqueitha poxonae Nacom yabara paebina jiwi xua penatsicuentisiwa xua abe peexanaexae. Matautano tanacopatatsi xua isoto yabara cunuwa, po isoto bichocono atou, po isototha Nacom weraweraca cana exanaena daxita pomona pia peaitafaetabi jiwichi.

²⁸ Po pebin jumefeba po coyene Moisés itoroba pia peitorobi coyenewatha, xua poxonae nacueyatabe pebinbe ichacuitha poxonae acoibi poyobe baponbe yabara paebabe: “Bapon pajume tan poxonae jumefeba”, jei, bapoxonae bapon bewa tupaena. Tsipei pomona bapon yabara paebatsi xua penatsicuentisiwa xua abe peexanaexae, barapomona tsita itapeinya xeinatsi xua bara bapon xainyeya abe exana. Daxota bapon bewa tupaena tsipei barapomona jopa yabara nanta

xeinaeyo xua bapon peyawenaewatsi.

²⁹ Xuaje payabara nanta xeinare: Nacom bichocono atene exana pomonaetha pomonae Pexanto tatsi itaweta. Matautano atene exana pomonaetha pomonae abe yabara paeba xua pinae Jesús pejana jopa ainya cuiyo bequein Jesús tsitapa jiwí. Jesús petsitapaexae daxota Nacom yabara tsiwunaē muxu duta xua jiwí pejuntā coyene xanepana exanaenexatsi Nacom. Matautano barapomonae jopa natsicuentisi tsane xua abe peexanaexae. Matautano Nacom atene exana pomonaetha pomonae Nacom pia Pejumope tūnaxū tatsi tsūmū jumeya barū paebatsi po pejumope jiwí yawenatsi pia peantobexaetsi. Barapomonae nama bichocono atene exanaeinchi beyacaincha xua ichamonae atene exanaeinchi pomonae jopa exanaeyo pocotsiwa Moisés itoroba.

³⁰ Waxainchi yaputainchi xua Nacom bayatha jeye: “Xan tacoya exanaein pentoma xua jiwí atene tsane abe peexanaexae”, jei Nacom. Equeicha Nacom Pejume Diwesitha jeye: “Nacom yabara paebina piamonae xua penatsicuentisiwa xua abe peexanaexae”, jei.

³¹ Po pebin abe exana bichocono junuwa cana exanatsi poxonae Nacom yabara paebina bapon tsipei barapo pebin Nacom tsitatsi xua bapon bara penatsicuentisiwa xua abe peexanaexae. Bapoxonae Nacom, pon ataya asū pepoponaein, bichocono jopa juniya atene cana exanae tsane bapontha.

³² Bara ataya payabara jūntanainare po dapaetha poxonae bequein aena pajume

cowantame Nacom, xua ichitha beta
 paexaname. Bapoxonae awiya ichitha
 juntema parubenaebiyame poxonae bequein
 ichamonae pacata abe exana.

³³ Ichamonae xua paxam jiwana pam
 barapomonae tsuṃṃ jumeya biatainchi xuano
 jiwi itutha atene exaneibatsi. Iruru ichamonaeru
 pomonae paxam jiwana pam barapomonae
 nacayabara nanta xeina xua barapara iruru
 atene exaneibatsi poxonae ichamonae atene
 exaneibatsi.

³⁴ Paxam painya antobexae pacayabara nanta
 xeiname pomonae jiwi pecubi botha jebatsi xua
 painya neyawenaenexa. Bequein bara icha-
 monae daunweya pacata nota xua xuan daxita
 paxeiname, daichitha awiya cataunxuae pajuntu
 coyene weiweiname. Bara payaputaneme xua
 paxeiname itabocotheicha pocotsiwa bichocono
 yatsicaewa wṃnae beyacaincha pocotsiwa po cae
 pin nacuathe paxeiname. Baxua xua pocotsiwa
 paxeiname itabocotheicha ataya tsitecaeya pax-
 einaeneme baxua.

³⁵ Jopa pana nacui barapentsinde xua payabara
 jume cowanta dubenanaebiyame xua painya
 nepaca catsinexa pocotsiwa bayatha Nacom
 yabara paca tsiwṃnae muxu duta. Tsipei wajume
 cowanta dubenanaebiyaexae tsane Nacom,
 baxua nexa Nacom pentoma naca catsibina xua
 bichocono nawita xua pia nacuatheicha.

³⁶ Paxam panantawenoname xua
 ajuntuayapusuya parubenaebiyama awiya
 xua jopa paaitaconaem bequein ichamonae
 pacata abe exana xua painya neexanaenexa

pocotsiwa Nacom ichichipa. Bapoxonae Nacom paca catsibina pocotsiwa xua bayatha yabara paca tsiwɛnae muxu duta.

³⁷ Nacom Pejume Diwesitha jeye:

“Methaunxuae patopaetsica, pon bewa patopeicaena. Jopa bayathiyo tsane.

³⁸ Pon bara netsita pejɛntɛ coyene xanepanaein, bapon bara ataya poponaena tana nejume cowɛnta ducuaanaebiyaxae. Ichitha icha bapon equeicha caewa jopa nejume cowɛntsiyo jopa xanepanaya beyabara jɛntɛ coyene weiweinaeinyo, pocotsiwa bapon peexanaexae”, jei Nacom.

³⁹ Ichitha nama waxainchi jopa be barapomon-aetsi, pocotsimonae equeicha caewa jopa jume cowɛntsiyo Nacom. Barapomonae Nacom wer-aweraca exanaena. Nama waxainchi pomon-aetsi awiya jume cowɛnta dubenanaebiyatsi Nacom beya poxonae wajɛntɛ coyenewa nacata capanepa exanaeinchi.

11

Meje yabara xua Nacom pejume cowɛntsiwatsi

¹ Pon jume cowɛnta ducuaanaebiya Nacom, bapon bara xaniwaicha yaputane xua xeinaena pocotsiwa wɛnae ewata. Mataɛntano pejɛntɛ coyene tsita najume itapeinya xeinatsi xua barapara xainyei po coyene xua barapon yabara jume cowɛnta bequein cataunxuae yatsicaewa jopa taeyo.

² Wamo susato jiwi xanepanaya beta yabara paebatsi xua Nacom beta yabara paeba ayapusa pejume cowantsiwaxaetsi.

³ Waxainchi wayabara jume cowantsixae xua Nacom naca yawenapaeba daxota yaputainchi xua barapo cae pin nacue iru barapo itaboco susato forotatsi, Nacom peitorobixae. Pocotsiwan xua anoxuae tainchi, Nacom forota pocotsiwan weya xua bapana jopa taetsi, pocotsiwan xua peinyaxae.

⁴ Abel pon caena bayatha popona yabara jume cowanta xua Nacom yawenapaeba. Daxota bapon duwein bexuba xua tuxusi exana Nacom nexa. Nacom tsita xanepanatsi pocotsiwa Abel exana. Daxota Nacom yabara paeba xua bara bapon pon pejuntu coyene wunaein. Iruu Cain Abel pentapin tatsi, bapon iruu bequein pexaewa exana po coyene xua Nacom pecatsiwatsi. Daichitha barapo coyene Nacom jopa tsita xanepanaetsi. Nacom bichocono beita cui jichatsi pocotsiwa Abel exana, beyacaincha xua pocotsiwa Cain exana. Nacom baxua beita cui jichatsi tsipei Abel peyabara jume cowantsixae pocotsiwa Nacom exanapaeba. Bequein Abel bayatha tupa ichitha naca itacupa xua awiya wayabara nacuidubaponaewatsi pocotsiwa Nacom exanapaeba poxonae yabara yorobatsi Abel pia pejume cowantsiwa tatsi.

⁵ Enoc pon caena bayatha popona yabara jume cowanta xua Nacom yawenapaeba. Daxota bapon Enoc pichicatsi. Nacom pichica xua bapon pecapanaenexatsi itabocothaicha, xua bapon Enoc jopa petupaenexa bara po cae pin nacuathe.

Enoc piamonae jopa caxinaetsi, poxoru Nacom pichica. Nacom Pejume Diwesitha paeba xua poxonae pewunaeya tsane xua pichicaeinchi Enoc, Nacom tsita xanepanatsi pocotsiwa Enoc peexanaexae.

⁶ Jopa itacupaetsi xua jiwi Nacom tsita xanepanatsi icha barapo jiwi jopa beta jume cowuntsiyo Nacom. Pon xua ichichipa imoxoyo itiya popona Nacomtha jame bewa matha yabara jume cowuntsina xua Nacom bara xaniwaicha popona. Matautano jame bewa yabara jume cowuntsina xua Nacom bara cata pocotsiwa bayatha yabara tsiwuna nae muxu duta pomonaetha pomonae pia pejeichiwichi xua pejume cowuntsinexatsi. Barapomonae Nacom yaputainchi.

⁷ Noé pon caena bayatha popona yabara jume cowanta xua Nacom yawenapaeba. Daxota Noé piamonae tsixana pin jera nae xua piamonae matabuxuyo pebaru nacapanepaenexa. Nacom Noé pewunaeya yabara muxuwetatsi xua pocotsiwa bexa exanaena pocotsiwa Noé bapana bayatha jopa taeyo, xua pin awubo tsane xua Nacom itorobina. Noé bara jume cowuntsiya exana pocotsiwa Nacom itoroba poxonae pin jera nae exana xua piamonae matabuxuyo pebaru nacapanepaenexa. Noé pejume cowuntsixae Nacom, bapon tsita itapeinya xeina xua pomonae barapo cae pin nacuepiwi apara abe exana poxonae jopa yabara jume cowuntsiyo xua Nacom itorobapaeba pin awubo. Nacom tsitatsi xua barapo jiwi atene tsane penatsicuentxiwaxae jopa pejume cowuntsixaetsi. Jame Noé

Nacom jũntũ tsita coyene xanepanatsi pejume cowũntsixaetsi bapon. Daxota Nacom Noé piamonae matabũxũyo barũ capanepatsi.

⁸ Abraham pon caena bayatha popona yabara jume cowũnta xua Nacom yawenapaeba. Daxota poxonae Nacom pewabixae, bapon bara exana pocotsiwa Nacom itoroba. Bapon Abraham pia nacua weya pona xua peponaenexa icha nacuatha, po nacua bayatha Nacom yabara tsiwũnae muxu duta, xua bapon catapaebatsi. Bapon Abraham pia ira weya pona xua icha nacua beya pona po nacua bequein jopa yaputaeyo ichaxota pona.

⁹ Abraham peyabara jume cowũntsixae Nacom, bapon popona po iratha xua bayatha Nacom yabara tsiwũnae muxu duta. Bapon Abraham be pon penanapaincha poponaein xua icha nacua werena poponaexae xua poxonae icha nacuatha popona. Bapon Abraham poponeiba anserabocon bomũxũxitha icha Isaac ichi irũ icha Jacob ichi poxonae poponeibabe anserabocon bomũxũxitha. Abraham, irũ Isaac, irũ Jacob barapoyobe Nacom tsiwũnae yabara muxu duta barapo ira xua Nacom pecatsinexa.

¹⁰ Abraham nacui yabara wũnae ewata xua patopaena po tomaratha ichaxota xua pepu ume-nae bon xua Nacom pia nacuatheicha. Apará Nacom bapon pon yabara nanta xeina xua forotsina barapo tomara po tomara xua Nacom pia coya bara exana.

¹¹ Barichi Sara Abraham piseuri tatsi yabara jume cowũnta xua Nacom yawenapaeba. Bequein bapowa acue xua jopa peitacũpaewatsi xua

pexeinaewa pexui awiya jume cowanta Nacom. Sara pejume cowantsixae, Nacom cata barapowa catatsi peajuntayapusawa, xua barapowa pepa-betsinexa pexuyo. Baxua barapowa taexanatsi tsipei barapowa jume cowanta pocotsiwa Nacom taexanaena bapowatha xua bayatha Nacom yabara tsiwanae muxu duta.

¹² Bara barichi Abraham. Bapon bichocono amo tsecae xua bara imoxoyo petupaewaba tsane xua jopa itacupaetsi xua peexanaewa pexui. Daichitha Nacom copata xua bapon pexanto xeina xua daxota bapoxonae bapon pia pemomoxi jiwi tatsi bichocono pinmonae naenaexanapona. Barapo bicheito bichocono pinmonae icha opiteimonae ichi xua bichocono nawita. Matautano barapomonae icha taetowa beno ichi xua bichocono beno cuxjei xua mar mene itapatha. Jopa itacupaetsi xua barapo jiwi peununaewatsi icha taetowa beno ichi.

¹³ Daxita pomonae jume cowanta Nacom barapomonae yajume cowantsiya werapa. Aba cataunxuae jopa catsibichi pocotsiwa bayatha Nacom yabara tsiwanae muxu duta xua pocotsiwa bapomonae catsibapaebatsi. Daichitha barapomonae yabara jume cowanta xua pocotsiwan bexa xeinaena xua Nacom bexa catsibina. Barapomonae baxuan yabara jume cowantsiya tsita xanepanatsi. Barapomonae nantiya nayabara nanta xeina, jeye: “Waxainchi pomonae be wananapaincha jinompaewichi barapo pena nacuathe xua be icha nacua werena waponawewi, pomonaetsi xua awiya jeita dubenanaebiyatsi po nacua yatsicaewa pepa

wanacua”, jei daxita barapomonaē.

¹⁴ Tsipei barapomonaē baxua paeba, naca yaputane exana xua awiya jeitapona po nacua yatsicaewa pia nacua tatsi.

¹⁵ Barapomonaē jopa apara yabara caunutsiyo ichaxota copiya po nacua weya Abraham pona. Icha metha baxua yabara paebichipa metha bara itacupaetsipatsi xua caewa pewarpaewa pia nacuatha ichaxota copiya bayatha jinompa.

¹⁶ Ichitha barapomonaē ichichipa po nacua xua bichocono wūnaē beyacaincha xua icha nacuan. Baraxua xua po nacua ichichipa, apara Nacom pia nacua tatsi. Daxota Nacom jopa auriyo xua barapomonaē yabara paebatsi xua pinaē Nacom barapomonaē pia Nacom tatsi. Daxota Nacom barapomonaē tsiwūnaetatsi tomara.

¹⁷ Nacom Abraham jūntū coyene jūjutatsi peyaputaenexa icha bara metha yatsicaya jume cowūntatsi. Daxota Nacom Abraham itorobatsi xua pexanto pebexubiwa tsane icha be pocotsi coyeneya ichi xua poxonaē duwein bexuba Nacom nexa. Abraham pejume cowūntsixaē Nacom daxota pexanto capana atororo beya pon yatsicaewa compa tatsi pon pewūn Isaac. Abraham muxu pexanto pebexubi icha be pocotsi coyeneya ichi xua poxonaē duwein bexuba Nacom nexa. Bapon baxua exana bequein Nacom yabara tsiwūnaē muxu duta barapo Abraham pexanto tatsi, jeye:

¹⁸ “Barapo nexanto Isaacxae nantaūtsiname nemomoxi susato jiwi”, jei Nacom.

¹⁹ Abraham jume cowūnta xua icha Isaac

tupaetsipa Nacom itacupatsi xua equeicha Isaac caewa asu exanatsi poxonae bequein pexanto bexubichipa. Poxonae Abraham muxu pexanto pebexubi, apara bara be xua bayatha tupa, matautano apara be xua Abraham pexanto equeicha caewa asu taexainchi.

²⁰ Barichi Isaac yabara jume cowanta xua Nacom yawenapaeba. Daxota bapon Isaac pexantobe tsipaeba, jeye: “Barabu Nacom paca yawenaena pia paca necaantobexaebe”, jei Isaac pexantobetha, Jacob iru Esaú.

²¹ Barichi Jacob yabara jume cowanta xua Nacom yawenapaeba. Daxota poxonae bapon juntucuru imoxoyo tupaenaba barompaya tsipaebabe José pia pexantobetha tatsi xua pia pemomobexae tatsi. Bapon jeye: “Barabu Nacom paca yawenaenabe pia paca necaantobexaebe”, jei Jacob José pia pexantobetha tatsi. Vapoxonae bapon Nacom wuna jaintatsi poxonae naewatha nabuxu babatanotsiya uyutano tsipei bichocono amo tsecae.

²² Iru José yabara jume cowanta xua Nacom yawenapaeba. Daxota poxonae bara imoxoyo tupaenaba yabara paeba israelmonae. José yabara paeba xua bexa tsane Israel pia pemomoxi susato jiwi tatsi warapaena Egipto nacua weya, xua po nacuatha beya po nacua bayatha Nacom yabara tsiwuna muxu duta xua Nacom catapaeba. Matautano José pia pexui cui itoroba, xua José pia pexui piwa capanaeinchi Egipto nacua weya po nacua beya ichaxota israelmonae warapaena po nacua xua Nacom yabara tsiwuna muxu duta xua Nacom catapaeba.

²³ Moisés pena tatsi iru paxa tatsi yabara jume cowanta xua Nacom yawenapaeba. Daxota Moisés matsiyatatsi botha acoibi po xometobe poxonae aena naexana. Moisés pena yabara nanta xeinatsi yawa paxa yabara nanta xeinatsi xua Moisés itubun tsecae. Baponbe jopa yabara jume cuitaya junuwiyoibe xua po coyene cui itoroba Faraón pon Egipto nacuapiwi itorobiya pia pepa peewatsinchi xua pinae daxita pexui pebin wutixi bewa jutebinchi.

²⁴ Iruru Moisés yabara jume cowanta xua Nacom yawenapaeba. Daxota poxonae bayatha pinyoba Moisés jume aichaxaibiya naitemata, jeye: “Xan barapowa jopa pexanton tatsin powa Faraón pexantiyo tatsi”, jei Moisés.

²⁵ Saya jame bapon Moisés itapetatsi xua iru yawa muxuna atene exanaeinchi Nacom piamonae tatsi xua poxonae barapomonae atene exanaeinchi xua ichamonae atene exanaena pomonae Egipto nacuamonaexae. Moisés ichichipa xua pecana exanaewa tsainchi icha piamonae tatsi tacana ichichi. Moisés jopa benaexanaeyo xua daxitan pexeinaewa tsane pecoutha pocotsiwan xua Faraón xeina. Icha baxuan xeinaetsipa Moisés juntu coyene weiweina exanaetsipatsi barapo nacuatha xua saya caepatiyo nexa tsipae po coyene xua jiwi weiweina exanatsi xua abe peexanaponaewa. Moisés piamonae jopa benaitematsiyo daxota jopa benotsiyo Faraón pecopiniwa tatsi.

²⁶ Ichamonae Moisés tsamu jumetha biatainchi xua ajuntucoyenetane exanatsi icha Mesías ichichi pon Nacom itoroba. Poxonae Moisés nayabara

jume tane baxua tsita coyene xanepanatsi, bey-acaincha xua poxonae barapo copei pexeinaewa tsane Egipto nacuatha. Baxua Moisés itapeta tsipei ichichipa xua pexeinaewa po pentoma bexa tsane Nacom catsina bapontha peatenexae po pentoma bayatha Nacom yabara tsiw_hnae muxu duta.

²⁷ Moisés yabara jume cow_hnta xua Nacom Moisés yawenapaebatsi. Daxota naj_hnt_h coyene weta xua pewarapaewa tsane Egipto nacua weya. Moisés jopa junuwiyo bequein yaputane xua Faraón bara casebina. Bapon Moisés bara saya amsiya pona bara be xaniwaicha tane Nacom xua be yatsicaewa bar_h poinchi pon peinya peponaein xua jiwi jopa itac_hpaetsi xua petaewa.

²⁸ Moisés pejume cow_hntsixae Nacom, piamonae cui itoroba xua peexanaenexa penabanaewa xua Pascua w_hn matacabi nexa. Mata_htano bapon cui itoroba piamonae xua pejanantha pecapibinexa daxita bom_hx_h pecoibotontha. Barapo Moisés piamonae tatsi pomonae Israel pia pemomoxi susato jiwixae tatsi baxuan exana xua daxota matatsunpin jopa t_hpa exanaeyo piamonae. Barapo matatsunpin merawi patopaena xua pejutebiwa tsane matapin jiwi pomonae pia bontha jopa xeinaeinyo po jana xua Moisés cui itoroba xua jiwi bom_hx_h pecoibotontha pecapibiwa tsane.

²⁹ Barapo Israel pia pemomoxi susato jiwi tatsi yabara jume cow_hnta xua Nacom yawenapaeba. Daxota Mar Rojo mene mentha icha muxunene beya panenebiya xua epata_hta iya pona be poxonae xua ira tsewa iya peponaewa. Ichitha pox-

onae Egipto nacuamonae baraxoya iyiya daxita bunothopa.

³⁰ Israel pia pemomoxi susatopiwi tatsi yabara jume cowanta xua Nacom yawenapaeba. Daxota matawacaicha tocuecueniya enaponeiba pemuxuburu iya siete po matabibibe xua barapo Jericó tomara peyacaincha toxorotsi dutsiwa xua be iboton. Barapoxonae barapo Jericó tomara peyatoxorotsiya yacaincha dutsiwa baxua iratha jopiya.

³¹ Bayatha yabuyo powa Jericó tomarapiwayo Rahab yabara jume cowanta Nacom pon Israel pia pemomoxi susato jiwi tatsi pia Nacom tatsi. Daxota bapowa jopa baru tupaeyo piamonae xua pia tomarapiwixae poxonae tomarapiwi werapa jopa pejume cowantsixae Nacom pon Israel pia pemomoxi susato jiwi tatsi pia Nacom tatsi. Bapowa Rahab powa copiya bayatha pesi cui weiweinaewa pebiwitha. Poxonae Israel pia pemomoxi jiwamonae namicha pata xua pecui amanayabiya taenexa Jericó tomaratha, bapoxonae barapowa Rahab matenta weyataeya waba, xua barapo israelmonae jiwamonae wabatsi pia botha tatsi.

³² Jopa equeicha paebinyo xua equeicha pinmonae tayabara paebiwa pomonae pejume cowantsiwi Nacom. Jopa neyapu jupaeyo xua jopa taxeinaewa matabibi xua tacueicueijeinexa Gedeón yabara, iruno Barac yabara, iruno Sansón yabara, iruno Jefe yabara, iruno David yabara, iruno xua Samuel yabara, iruno pomonae Nacom pia peitorobi jume petapaebiwi tatsi yabara.

³³ Daxita barapomonae jume cowanta Nacom. Ichamonae barapomonae jiwana, amanayaba

ainya nacuanpiwitha, pejume cowantsixae xua Nacom yawenaena. Ichamonae pejume cowantsixae Nacom daxota jiwitha beta xaniwaicha canamata itoroba. Ichamonae pejume cowantsixae Nacom barapomonae catsibatsi pocotsiwan xua bayatha Nacom yabara tsiwunaenae muxu duta. Ichamonae pejume cowantsixae Nacom, Nacom exana xua coibo acaba neuthan, xua barapomonae jopa atene peexanaenexatsi barapo neuthan.

³⁴ Matautano ichamonae pejume cowantsixae, daxota Nacom yawena barapomonae poxonaenae Nacom itaxutaba exana po isoto bichocono pin isoto xua barapomonae po isototha tautatsi. Barichi ichamonae pejume cowantsixae daxota Nacom capanenebiya tsaibi barapomonae poxonaenae muxu pejutebeibichi peopi sojeiwantha xua be cusi. Matautano pomonae faefaena, equeicha Nacom daunwei exana. Daxota barapomonae daunwei poxonaenae naba. Ichamonae Nacom peyawenaexae amanayaba pia peaitafaetabi jiwichi xua ainya soldadomonaein bicheitontha.

³⁵ Barichi ichamonae yabuxi pejume cowantsixae equeicha caewa piamonae xeina, pomonae equeicha caewa taasutsi petupaewa weya.

Ichamonae itacupatsi xua panenebiya xua jopa werapae tsane xua icha poxonaenae Nacom itawetatsina. Nama barapomonae jopa bepaebiyo baxua daxota barapomonae werapa poxonaenae bichocono caitacueintatsi ichamonae. Barapomonae, pomonae pewerapaewi yaputane

xua pejume cowantsixae Nacom, daxota Nacom equeicha asu exanaena xua barapomonaepatsiwa tsane Nacom pia nacuatheicha.

³⁶ Ichamonaepajume cowantsixae Nacom, bichocono ajantacuicoyenetane tsipei bichocono cui capanebatsi ichamonaep. Matautano ichamonaeracuaintebatsi. Ichamonaerupenain matonthacubebatsi. Ichamonaerujiwi pecubi bontha cuaranobatsi.

³⁷ Ichamonaepajume cowantsixae Nacom, ibotontha tupa exanatsi poxonaepcuinbabatsi. Matautano ichamonaepwerapa poxonaepa nantarabobiya thabebatsi seruchotha. Iruu ichamonaepajume cowantsixae jutebatsi peopi sojeiwantha xua cusin. Ichamonaerupajume cowantsixae Nacom, taseicatsi pexaewa, yawa taseicatsi bon, xua daxota saya dubenanaebiya, yawa naxataba oveja bocoton xuano xua cabra bocoton. Barapomonaepacopeibiwi tsobenaep, barainebatsino abetaexanebatsino.

³⁸ Pomonaepbarapo caepin nacuathepiwi Nacom pejume cowantsiwi yabara paebatsi, yabara jeichiche: “Jopa be cui copatichi xua barapomonaeppejinompaewa tsane watomaratha”, yabara jeichichi. Ichitha barapomonaepNacom tsita ainya cuichi beyacaincha barapomonaepomonaepbarapo caepin nacuathepiwixae. Barapo Nacom pejume cowantsiwi dubenanaebiya ichaxota ira xuepana susato tsurucuae nacuatha. Matautano barapomonaepdemxuwantha dubenanaebiya, mathanthano jinompa, xuano xua duwei pia mathantha jinompano.

³⁹ Bequein Nacom yabara paeba barapomonaе xua beta peexanaexae pejume cowantsixaetsi, daichitha cataunxuae ab_u barapomonaе jopa catsibichi pocotsiwa Nacom bayatha yabara tsiw_unae muxu duta barapomonaе, matautano xua caeinthano.

⁴⁰ Barapomonaе cataunxuae ab_u jopa catsibichi baxua tsipei Nacom naca yabara nanta xeina xua bexa tsane ir_u naca catsibina pocotsiwa bapon tsita xanepanatsi. Pocotsiwa bapon catsibina xua apara barapomonaе Nacom naca cayawa mux-una j_unt_u coyene xanepana exanaena.

12

*Meje yabara xua waxainchi bewa exanapon-
aetsi icha Jesús ichi poxonaе exanapona*

¹ Pomonaе xuaunxuae yabara pacata tinatsi barapomonaе bichocono pin bicheitomonaе, pomonaе pejume cowantsiwi po coyene xua Nacom yawenapaeba. Barapomonaе naca tsita itapeinya xeina xua awiya xanepanaya jume cowanta dubenanaebiya bequein atene exanatsi ichamonaе. Baxua naca cuiduba xua ir_u bewa xanepanaya jume cowanta dubenanaebiyaеinchi bequein naca atene exana ichamonaе. Barab_u waxainchi daxita nacui barapentinchi abe waexanae cuiru coyenein pocotsi coyenein xua jopa naca yawenaeyo xua Nacom beta wataexanaewatsi. Barab_u waxainchi beitatemaya aj_unt_us_uya awiya exanapoinchi pocotsiwa Nacom naca cui itoroba.

² Saya meisa Jesús j_untanainaeya jinompatsi wanaca yawenaenexa. Bapon copiya bichocono

pejume cowantsixae Nacom daxota bapon wanaca canamataxeinaein xua wajume cowantsinexa. Matautano bapon betiya naca exana xua beta wajume cowantsiwa poxonaē cataunxuae awiya wajinompawewa barapo cae pin nacuathe. Jesús bara saya copata xua atene exanadutatsi naetotha ichamonae poxonaē tupa exanatsi. Bapon jopa auriyo bequein naetotha tupa exanatsi jiwi peitatha tatsi. Ichamonae ba bichocono aura xua poxonaē petupae exanaewatsi naetotha. Nama bapon Jesús jopa auriyo poxoru nayabara yaputane xua pirapae poxonaē nacana cui wetinchi xua atene exanatsi, xuano xua poxonaē tupa exanatsi naetotha, bapoxonaē bichocono juntu coyene weiweinaena. Anoxuae bapon Jesús eca pia pexeinya peecaethopeibiwatha xua Nacom pia pecoxa weya tatsi xua itabocotheicha ichaxota Nacom eca pia pexeinya peecaethopeibiwatha.

³ Jesús pacayabara jantanainaponde xua bayatha po coyene Jesús abeya exanatsi pomonaē abe peexanaē jiwi. Jesús awiya beitatemaya saya popona poxonaē bequein bichocono atene exanatsi barapomonaē pomonaē abe peexanaewi. Daxota jopa paraichinde xua poxonaē jopa pana najuntu coyene tsacabim. Matautano jopa paajuntucoyenefaetabinde xua poxonaē daxota jopa beta painya taexanaewa Nacom.

⁴ Painya juntu coyenewatha pajume torobabame abe peexanaē cuiru coyenein xua painya neexanaeyainwa barapo coyenein. Bapoxonaē jopa panaitematsim xua painya

nejume cowantsiwa Nacom. Bequein bara baxua daunwei paexaname ichitha awiya cataunxuae jopa pawerapaem xua barapo coyene painya neexanaexae icha bayatha Cristo ichi xua tupa xua bichocono daunweya peexanaexae barapo coyene.

⁵ Paxam pajuntemainame xua bayatha Nacom paca muxuweta xua paxam bara Nacom pia pexui tatsi pam. Baxua yabara Nacom Pejume Diwesitha paca jeye:

“Tapexui pam, jopa amsiya payabara nanta xeinaeinde pocotsiwa yabara paca muxuwetatsi tapaca cuidubinexatsi.

Poxonae atene paca exanatsi jopa ajuntucoyenefaetabiya pajinompaeinde xua yabara tapana nejume cowantsiwam.

⁶ Tsipei muxuwetsiya cuiduban pomonaetha pomonae antobein.

Matautano atene exananno pomonaetha pomonae

tapexui tsicotan”, jei Nacom Pejume Diwesitha.

⁷ Awiya juntema pajinompare poxonae bequein Nacom paca atene exana xua paca necacuidubixae. Baxua Nacom pacata exana tsipei paca nacana exana pia pexui tatsi pam. Dapo pexuyo ajibi, po pexuyo jopa paxa muxuwetsiya cuidubichi xua poxonae icha bichocono antobetsi paxa.

⁸ Nacom pia pexui muxuwetsiya cuiduba. Icha Nacom jopa paca muxuwetsiya cuidubichipae, bapoxonae paxam jopa Nacom pia pexui tatsi pam tsipae. Saya be catsa pexui pam tsipae icha be pocotsi pexui ichi po pexui seicaya icha paxa barompa.

⁹ Matautano caena bayatha poxonae cataunxuae pexuichi waxeiwi naca atene exana wanaca muxuwetsiya cuidubixae. Daichitha waxeiwi baru cui itura jinatsi. Waxainchi bewa ichichipaetsi xua waexanaewatsi pocotsiwa naca cui itoroba pon Waxa Nacom, pon itabocotheicha popona. Barapocotsiwa bewa exanaeinchi beyacaincha pocotsiwa exanatsi xua poxonae waxeiwi naca cui itoroba poxonae jinompatsi barapo cae pin nacuathe. Baxua bewa exanaeinchi Waxa Nacom pon itabocotheicha popona wanaca catsinexa peajuntayapusu coyenewa.

¹⁰ Waxeiwi poxonae pexuichi barapo cae pin nacuathe saya caepatiyo naca muxuwetsiya cuiduba. Baxua nacata exana icha be pocotsi coyeneya xua ichichipa xua tsita xanepanatsi. Ichitha nama Nacom naca muxuwetsiya cuiduba wanaca yawenaewa tsane. Matautano baxua nacata exana xua wanaca cana exanaewa tsane xua bichocono wajuntu coyene xanepanaewichi, icha Nacom ichi xua bichocono pejuntu coyene xanepanaein.

¹¹ Poxonae naca atene exana bara bapoxonae nanta xeinatsi xua jopa nacata xaexaenaecaeyo, tsipei bara xaniwaicha naca atene exana. Ichamonae yabara cui copaba xua bara nacuiduba xua poxonae bequein Nacom atene exana, pemuxuwetsiya cuidubixae. Barapomonae jame jopa natsicuenti tsane xua abe peexanaexae bapontha. Barapomonae xeinaena pejuntu coyene xanepanaewa Nacomtha xuano juntea dubenanaebiyaena.

Meje yabara xua poxonae Nacom naca muxu-weta xua jopa bewa Nacom itawetichi

¹² Yaitama pajuntũ coyene faefaename, xua painya nejume cowantsiwa daxota painya coutha pana najuntũ coyene tsacabare xua beta painya nejume cowantsiwa tsane Nacom. Matautano xua payabara ajuntũcoyenerewem tsaibi ichawan. Pana najuntũ coyene itorobare xua awiya ayarusũya painya neexanaponaewa tsane.

¹³ Painya xoba icha diwesi pajume cowuntame po diwesi xua jopa Nacom Pejume Diwesi tatsi. Ɔ meisa paexanare pocotsiwa Nacom Pejume Diwesitha yabara paeba xua beta painya nejume cowantsiwa. Icha baxua paexanaetsipame irũ ichamonae barichipae. Bequein barapomonaе copiya juntũ coyene faefaenaetsipa pejume cowantsiwatha ichitha bapoxonaе beta exanaponaetsipa xua pejume cowantsiwa pia paca cui taexae.

¹⁴ Nantiya daxita jiwi ajuntũyarusũya betiya pana nabaгũ jantemiya jinompare. Bichocono pana najuntũ coyene xanepana exande Nacomtha xua jopa painya nenatsicuentseinexa xua abe painya neexanaexae bapontha, xua painya ne-taenexa bapon. Tsipei pomonaе jopa xeinaeyo barapo coyene jopa itacũpaetsi xua Nacom petae-watsi tsainchi.

¹⁵ Dota pam xua ichamonae pomonaе paxam jiwana pam pia xoba jopa ichipaeyo po coyenewa Nacom yawena barapomonaetha pia peantobewaxae. Matautano barapo ichamonae pomonaе painyamonae jiwanaxae pia xoba abe exana icha-

monae peitatha tatsi xua daxota iru ichamonae pebarichinexa xua abe peexanaewa.

¹⁶ Ichamonae pomonae paxam jiwana pam, pia xoba nota icha yabuxitha, powaxi jopa xapain barompaya pia seurixi. Matautano dota pam xua ichamonae paxam jiwana pam jopa tsita pecui pawi tsainchi po coyenewan xua Nacom piawan tatsi. Barapo coyene Esaú exana pon caena bayatha tupa. Bapon Esaú jopa tsita ainya jume cuiyotsi pocotsiwa bayatha Nacom yabara tsiwuna muxu duta xua bepa pinae Nacom Esaú yaweneibichi. Barapon Esaú piyainxae peyapintha Jacobtha cata po coyene xua pia coya pecanamataxeinae coyenewa po coyene matapin ba xeina. Tsipei Esaú jopa jume cowantsiyo Nacom daxota nata caenaeta barapo coyenewa xua nata matomata pexaewa xua saya cae penabanaewiyo.

¹⁷ Paxam payaputaneme xua bapon Esaú pira-paeyo ichichipa xua equeicha caewa pexeinaewa tsane xua po coyene peainya cui coyene po coyene matapin ba xeinaena xua paxa catatsi. Barapo coyene po coyene xua coxiyan tawuca pexanto pon matapin xua Nacom peyawenaewa tsane. Ichitha bapon Esaú peyapin cata barapo coyene xua matomata pupara. Bequein bara bapon auranya caunutsiya wecoyeya paeba, ichitha jopa itacupaetsi xua caewa xeinaena barapo coyene po coyene xua ba matapin xeina.

¹⁸ Caena bayatha pia Nacom caquita ponaetsi Israel pia pemomoxi susato jiwi tatsi demxuwa itabaratha umena poxonae Nacom Moisés catatsi pia peitorobi coyenewa. Barapomonae jume tane

pocotsiwa Nacom paeba yawa tane demxuwa. Ichitha nama paxam jopa beparaichim. Jopa panantawenonaem xua paumenaename demxuwa itabaratha xua painya necaquita ponaenexa Nacom. Poxonae Israel pia pemomoxi susato jiwi tatsi umena barapo demxuwa itabaratha, baxoyo pin isoto uncueica barapo demxuwatha. Matautano bapoxonae bichocono quirei, yawano nobonno. Matautano pin joibo baxoyo uncueica. Ichitha jopa bara paichim, jopa pataem baxuan.

¹⁹ Paxam jopa pajume taem peobiwa jume po peobiwa pewun trompeta nain matawun, icha poxonae barapo Israel pia pemomoxi susato jiwi tatsi ichi xua jume tane barapo trompeta jume. Paxam jopa pajume taem Nacom pejume poxonae Nacom cueicueijeji barapo Israel pia pemomoxi susato jiwitha tatsi barapo demxuwatha. Pomonae jume tane barapo jume, barapo israelmonaexae Moisés jume itorobatsi xua bepa pinae Nacom equeicha jopa pepaebiwa tsane.

²⁰ Barapomonae baxua Nacom jume matawentatsi tsipei bichocono pijunuwi xua pocotsiwa Nacom itorobina. Poxonae itoroba Nacom jeye: “Pon nataxuna jayata barapo demxuwa bewa bapon pabexubim ibotontha. Jopa ainya cuiyo bequein icha metha duwein tsipae, xuano icha metha bequein jiton tsipae”, jei Nacom.

²¹ Barapomonae bichocono junuwa pocotsiwa xua tane barapo demxuwatha iru Moisés bichocono junuwa. Daxota paeba, jeye: “Bichocono tajunuwi jijiyen”, jei Moisés.

²² Jame anoxuae painya nejume cowuntsixae Nacom, bapon paca yabara cui copata xua painya

nepatsiwa tsane bapon pia tomaratha tatsi, po tomara pew_hn Jerusalén tomara. Barapo tomara eca ichaxota po demxuwa pew_hn Sión. Barapo tomara Nacom pia tomara tatsi pon ataya tsite-caeya as_uya pepoponaein. Barapo tomara xua pepa Jerusalén tomara Nacom pia nacuatheicha tatsi eca. Mata_utano papatsiname baxoteicha ichaxota jinompa ayeimonae matatsunpiwi, xua weiweinaeya nanacaetutsina xua pia nanabar_uw_hnae jainchinexa Nacom.

²³ Mata_utano pajume cow_hntame Jesús xua painya nepatsinexa ichaxota Nacom piamonae tatsi nacaetuta pomonae Nacom pia diborotha w_hn dubena xua itabocotheicha. Barichi papatsiname Nacomtha, pon yabara paebina daxita jiwi xua penatsicuentsiwa xua abe peexanaexae. Mata_utano papatsiname ichaxota jiwi pia jumopein t_hnax_h tatsi jinompa pomonae xua beta exana xuano xua Nacom beta cana j_hnt_u coyene wetsiya xanepanaya exana.

²⁴ Mata_uta papatsiname ichaxota Jesús popona pon jiwi peyabara jume yawenaen Nacomtha xua jiwi pepatsiwa tsane Nacomtheicha. Mata_utano bapon nacata catsica Nacom pia pena peyabara tsiw_hnae muxu dutsiwa tatsi. Bapon pia pejana tatsi xua barapo jana pepichapabarenaexae Nacom naca yabara j_hnt_u coyene j_hnt_uemainabe waexanae cuiru coyenein. Barapon pia pejana tatsi jiwi beta cana exanatsi beyacaincha Abel pia pejana tatsi. Tsipei poxonae bapon bexotsi, jopa nantawenonaeyo xua bapon peyantomatsiwatsi. Ichitha poxonae Abel bexotsi, nantawenona xua peyantomatsiwatsi.

²⁵ Dota pam. Jopa bewa pajume itawetsim Cristo pon wanaca tsipaebixae Nacom yabara. Pomonae bayatha Nacom jume itawetatsi poxonae bequein Moisés muxuweta jiwi barapo irathe Nacom nexa, barapomonae jopa Nacom capanenebiyaeyo xua atene abe pia peexanaexae. Waxainchi jopa naca itacɥpaeyo xua panenebiyatsi xua atenetsi abe waexanae coyenewantha icha jopa Nacom jume naitaewatichi xua itaboco wetsica wanaca tsipaebiwa. Waxainchi bichocono nama atenetsi, beyacaincha barapomonae xua atene abe pia peexanae coyenewantha pomonae Moisés barɥ popona.

²⁶ Caena bayatha Nacom tsipaeba barapo irathepiwi tsique poxonae Moisés popona, Nacom pia jumetha ira jijiyata exana. Ichitha anoxuae Nacom tsiwanaya jeye: “Abɥ equeicha bara caeto tsane ira jijitsin yawano itabocotheichano jijitsin”, jei Nacom.

²⁷ Poxonae Nacom jei: “Abɥ equeicha bara caeto tsane”, jei, naca yaputane exana xua Nacom aichurucuae exanaena pocotsiwan xua barapo cae pin nacuathe xeina pocotsiwan itacɥpatsi xua pejijiyatsiwatsi. Saya meisa jopa aichurucuae exanae tsainchi pocotsiwan xua jopa itacɥpaetsi xua pejijiyatsiwatsi xua pocotsiwan Nacom piamon-aetha peyabara tsiwanae muxu dutsi coyenewa.

²⁸ Nacom pia nacua, ichaxota Nacom itoroba, yawano xua waxainchi baxota itorobatsi, barapo nacua jopa itacɥpaetsi xua jijiyatatsi xua aichurucuae peexanaenexatsi. Daxota bewa jeichichi Nacomtha: “Nacom, maisa

pajuntũ coyene weiweinan pebaxuaxae”, bewa jeichichi. Poxonae Nacom wũnae jaintinchi waxainchi bewa yabara nanta xeinaetsi pia pejuntũ coyene xanepanae coyenewa tatsi. Mataũtano bewa bapon cunuwiya wũnae jaintichi pia peayapusũwa pexeinaexae.

²⁹ Wanacom weraweraca cana exana jiwi, pomonaetha pomonae jopa pejume cowũntsiwichi. Nacom baxua exanaena icha be poxonae nawa ichi xua poxonae daxita topowa poxonae taxua.

13

Meje yabara xua pocotsiwa bewa exanaetsi xua pocotsiwa Nacom tsita xanepanatsi

¹ Jopa pana nacui barapentsinde xua caemonae nantiya painya nenaantobewam pomonae be painya eweicho jiwi painya nenatsicotae jiwi pam painya nejume cowũntsixae Jesucristo.

² Jopa pajuntemainaeinde xua beta painya netaexaneibiwa tsane pomonae pateiba painya bontha pomonae irũ pejume cowũntsiwi Nacom tsipei metha beya jemeicha barapomonae tsipae pomonae Nacom itoroba xua beta painya nepacata exanaenexa. Caena bayatha ichamonae pexaewa apata poxonae matha jemeicha pia botha tapatatsi, xua poxonae jopa xapain yaputaeyo xua deta cou apara matatsunpiwi.

³ Payabara nantũ coyene xeinare pomonae jiwi pecũbi botha cuaranobebatsi painya neyawe-naenexa barapomonae icha be poxonae paichim xua irũ jiwi pecũbi botha paca cuaranobarũ. Payabara nantũ coyene xeinare pomonae peraxa

jɔ̃bɛbatsi xua ichamonaē exana painya neyawe-naenexa barapomonaē. Tsipei paxam irɔ̃ jiwi pam, paca yabara itacɔ̃patsi xua ichamonaē paca necaperaxa jɔ̃biwa.

⁴ Paxam bewa beta pananta xeinaem poxonaē jitha paename xua barapo coyene paca tsita ainya cui. Daxota jopa bewa ichawa beya panasi cui weiweina exanaem poxoru painya seurixi bayatha paxeiname. Tsipei Nacom yabara paebina jiwi xua penatsicuentisiwa xua abe peexanaexae pomonaetha pomonaē jopa xapain exanaeyo xua be poxonaē yabɔ̃xi jeita xua po coyene jiwi jopa yabara copatsiyo. Mataɔ̃tano barichi Nacom yabara paebina jiwi xua penatsicuentisiwa xua abe peexanaexae pomonaetha pomonaē nasi cui weiweina exana poxonaē bequein pia seurixi xeina.

⁵ Jopa bichocono paichichipaeinde paratixi. Jame maisa pajɔ̃ntɔ̃ coyene weiweinare painya nexeinaexae pocotsiwa Nacom paca catsiba. Baxua paexande tsipei Nacom jeye: “Bapana jopa compa capopona exanaē tsainchi. Bapana jopa cacuenta ponae tsainchi”, jei Nacom.

⁶ Daxota naca itacɔ̃pa xua jume cowɔ̃ntsiya jeichichi:

“Nacom, pon jiwi Pecanamataxeinaein, bapon pon xua tana neyawenaein. Jopa junuwinyo poxonaē jiton xua abe tana exanaewa”, jeichichi.

⁷ Payabara cui jɔ̃ntanainare painya nepaca canamataxeinaewi pomonaē bayatha paca cuiduba Nacom Pejume Diwesi. Barapomonaē pacui taema, tsipei barapomonaē beta jume

cowantsiya jinompa beya poxonae barapomonae yacuiya werapa. Paxam beta pajume cowantsiya jinompare icha barapomonae ichi xua beta jume cowantsiya jinompa.

⁸ Jesucristo saya tsitecaeya peru jupa exanapona. Baxua exana caena bayatha, anoxuaeno, xuano xua bara ataya tsitecaenano xua jiwi beta peyawenaewatsi.

⁹ Daxota jopa pacopatsinde xua ichamonae painya nepaca cuidubiwa icha pecuidubi diwesin po diwesin pia diwesin barompa, po diwesin jopa Cristo pia diwesin tatsi. Jame ainya cui xua naajuntayapus exainchi Nacom pia peantobe coyenewatha. Po coyenein xua itoroba xua penabanaewa yabara barapo coyenein jopa naca ajuntayapus exanaeyo Nacomtha. Barapo peitorobi coyenewan bapana jopa yawenaetsi pomonae bequein xua exanapona barapo coyenewan.

¹⁰ Waxainchi xeinatsi barompaya wacoyene po coyene be poxonae xua tuxusi exanatsi Nacom nexa poxonae caein naetotha naca tsitupa xua daxota Nacom jopa tsitatsi xua penatsicuentiwa xeinatsi xua abe waexanaexae. Baxua apara xua poxonae Cristo tupa naetotha abe waexanae cuiru coyenein nexa. Po sacerdotepiwi xua nacuita Nacom pia tututha anserabocototha xua caena bayatha barapocotsi coyene jopa itacupaetsi xua pexeinaewa barapo coyene tsipei barapo sacerdotemonae cataunxuae jutebeiba duwei jiwi abe pia peexanae cuiru coyenein tatsi nexa.

¹¹ Caena bayatha pon pepa sacerdotepin, duwein jana capaneiba ichaxota po tutu

yatsicaewa Nacom pia tutu tatsi po tutu bichocono peainya cui tutu. Bapon baxua exana xua Nacom peyabara juntemainaenexa jiwi abe pia peexanae coyenewan tatsi. Bapoxonae barapo duwein ompin tautatsi tomara cuariya beya.

¹² Cristo barichichi. Tomara cuariya beya tupa exanadutatsi naetotha, xua daxita jiwi pejunte coyene xanepana exanaenexa tsainchi Nacom. Cristo pejana pichapabarenaexae poxonae tupa, Nacom jopa tsitatsi xua jiwi penatsicuentiwa xua abe peexanaexae.

¹³ Ichamonae Jesús aura exanatsi poxonae tomara cuariyatha tupa exanadutatsi naetotha. Barabua copatatsi xua ichamonae irua naca aura exana wajume cowantsixae Jesús xua daxota naca atene exana icha Jesús ichichi.

¹⁴ Barapo cae pin nacuathe jopa xeinaetsi tomara, po tomara ataya tsitecaeya ayapusa tsuncuae. Jame wunaeya ewatatsi, po tomara xua bexa patopaetsica Nacom pia nacua wetsica tatsi.

¹⁵ Daxota waxainchi bewa wunae jainteibichi Nacom tsipei Jesucristo naca tsitupa. Poxonae Nacom wunae jaintatsi wajumetha baxua icha be poxonae ichi poxonae duwein tautatsi poxonae tuxusi exanatsi Nacom nexa. Nacom wunae jaintatsi jeichichi: “Nacom maisa bichocono nejunte coyene xanepanaein”, jeichichi.

¹⁶ Jopa pajuntemainaeinde po coyene xua beta painya taexanaewa ichamonae. Painyawan panata jiwana wetsabare pocotsiwan xua paxeiname xua painya necatsibinexa pomonae xua jopa xeinaeyo. Tsipei poxonae baxua

paexaname, bichocono xanepana icha be ichi poxonae paexaname poxonae duwein patautame xua patuxusi exaname Nacom nexa pocotsiwa Nacom tsita xanepanatsi.

¹⁷ Paexande pocotsiwa paca cui itoroba pomonae painya nepacacanamataxeinaewi. Matautano saya barapomonaetha pajume naitaeware. Pabarũ cui itura jinare barapomonaetha tsipei barapomonaetha paca jũntũ coyene eeniya ewata. Barapomonaetha yaputane xua bexa tsane Nacom barapomonaetha yabara paebina xua penatsicuentiwa xua abe peexanaexae icha barapomonaetha jopa beta paca jũntũ coyene eeniya ewatsiyo. Bara pacopare xua barapomonaetha jũntũ coyene weiweina exanatsi poxonaetha paca jũntũ coyene eeniya ewata xua jopa pejũntũ coyene wecoyeyinexa xua abe painya neexanaexae. Tsipei icha barapomonaetha jũntũ coyene wecoyeyi baxua xapain jopa paca yawenaeyo.

¹⁸ Nacomtha painta wũcare. Bara payaputan xua pata jũntũ coyene pana netsipaeba xua pinae bara beta paexanan. Paxan paichichipan xua awiya beta pata exanaewa daxita coyenewan.

¹⁹ Paca wũcatsi xua painya inta wũcaenexam tsane Nacomtha xua Nacom bara inta pecopatsinexa xua methaunxuae tapaca siwa pon-
aewa tsainchi equeicha.

Meje yabara xua najume wetsiya paeba pon tina

²⁰ Nacom, barapon peyajũntũ coyene jinaein xua jũntema pepoponaewa. Barapon Nacom Jesús caewa asũ exanatsi petũpaewa weya pon Wanacanamataxeinaein. Bapon Jesucristo pon

pepa Peewatsin xua daxita carepaya jiwi peewatsinchi icha be pocotsin oveja beta peewatsin ichi. Bapon Jesucristo pejana pichapabarenaexae poxonae tupa, canacui wetsiya exana po coyene xua bayatha Nacom yabara tsiwunaexae muxu duta po coyene xua ataya tsitecaeya tsane.

²¹ Barabun barapon Nacom paca juntu coyene xanepana exanaena xua jopa painya nenatsicuentseinexa xua abe painya neexanaexae. Matautano bun bara paca catsina xua daxita pocotsiwan panantawenoname xua xuan xanepanaya painya exanaenexa po coyenein Nacom ichichipa. Barichi barabun Jesucristo pia peayapusuna naca cana exanaena xua exanaeinchi po coyene Nacom tsita xanepanatsi. ¡Barabun jiwi Cristo ataya wunaexae jaintinchi pexeinaexae peayapusun coyenewan! Je, bara ichi tsane.

²² Tamonaex pam, pomonaex pam irun painya ne-jume cowantsixaex paca itorobatsi xua bepijawa jopa payabara jume cui aitaconaeinde po jumein paca muxuwetatsi, barapo tsica cartiyo po cartiyo imoxoyo jume tsecae.

²³ Maisa ichichipan xua painya neyaputaewa tsane xua Timoteo bayatha copatatsi jiwi pecubi bo weya. Barapon be wayapin watsicotaein pejume cowantsixaerun Jesucristo. Ichaunxuae bapon taxantha patopaena bapon methaunxuae nebarun iya tsane painya xainya beya xua equeicha tapaca siwa ponaewa tsainchi.

²⁴ Painta jacobare daxita pomonaex painya nepaca canamataxeinaewi. Iruno painta daxita jacobare pomonaex pejume cowantsiwiun

Jesucristo. Italia nacuamonaepiwi barapomonae
paca jacobae, pomonae iru pejume cowantsiwi.

²⁵ Barabu Nacom daxita pam bichocono paca
yawenaena pia painya nepaca caantobewaxae.

**Nacom Pejume Diwesi po diwesi pena jume
diwesi xua Jesucristo yabara tinatsi
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022
e9c4c3a0-6dec-54a4-aaba-fb395e5eddc7